



武中門
編 82
卷 61



癰疽所兼諸證

○渴

大法瘡瘍作渴，不問腫潰，但脈數發熱而渴，用竹葉黃芪湯。脈不數，不發熱，或脈數無力而渴，或口乾用補中益氣湯。若脈數便秘，用清涼飲。尺脈洪大，按之無力而渴，用加減八味丸。若治口燥舌黃，飲水不飲，此丸尤妙。

薛瘡瘍作渴，若焮痛發熱，便利調和者，上焦熱也。用竹葉石膏湯。腫痛發熱，大便秘澀者，內臟熱也。用四順清涼飲。焮腫痛甚者，熱毒蘊結也。用仙方活命飲。



癰疽所兼諸證

漫腫微痛者氣血虛壅也。用補中益氣湯。若因胃火消爍而津液短少者。用竹葉黃芪湯。若因胃氣虛而不能生津液者。用補中益氣湯。若因胃氣傷而內亡津液者。用七味白朮散。若因腎水乾涸作渴。或口舌乾燥者。用加減八味丸。或先口乾作渴。小便頻數。而後患疽。或疽愈後作渴。飲水或舌黃乾硬。小便數。而疽生者。尤惡候也。苟能逆知其因。預服加減八味丸。補中益氣湯。以滋化源。可免後患。

虛者補之

丹癰疽發渴。乃氣血兩虛。用參芪以補氣。歸芩以養血。或忍冬丸。黃芪六一湯。

伍氏云。瘡作渴甚。急與神仙追毒丸。取下惡毒。清腫湯。千金漏蘆湯。五香連翹湯。六味車螯散。萬金散。皆可選用。利後仍渴。却用生津補氣藥。津液生氣血。完渴自止。丹溪曰。大渴而與利藥。非明示脈證。何以知其當下。後言利後仍渴。却用補藥。又不明言脈證。恐是但有天渴必下。下後尚渴。方與補藥。古人治未病。如此用藥。可乎。况渴屬上焦。當腫瘍時。猶或可用。若潰瘍後。渴多因氣血之虛。何待利後。方議其虛也。精要口乾與口渴不同。不宜用丹藥。鎮墜用之。其禍如反掌。用桑枝煎五味湯。以救陰水。丹溪曰。此妙。

方也而不言食味起火怒氣生火房勞激火吾恐渴亦未易除也

李氏云病疽愈後發渴多致不救惟加減八味丸最妙蓋癰疽多因虛而得疽安而渴者服此丸則渴止安而未渴者服此丸永不發渴或未疽而先渴者服此不惟渴止而疽亦不作 薛氏曰前證屬腎水枯涸虛火上炎口乾作渴飲水無度或舌黃作裂小便頻數或痰氣上壅煩躁不寧或一二年先作渴飲水或口舌生瘡兩足發熱痰氣上壅或瘡愈三四年而口乾作渴小便頻數急用前藥多有復生者能逆知

其因預服前丸可免此患若兼手足厥冷真陽虛也宜服八味丸大凡瘡後審其腎水不足用加減八味丸中氣虛弱用補中益氣湯氣血虛弱用十全大補湯陽氣虛寒加薑桂如不應用八味丸托裏消毒散加減法 飲冷作渴熱毒也加赤小豆知母如不應暫用竹葉黃芪湯善食作渴胃火也加石膏山梔天花粉如不應暫用竹葉石膏湯食少體倦作渴胃氣虛也去芷翹金銀花加人參白朮如不應暫用補中益氣湯膿多而作渴氣血虛也去三味加熟地黃五味子如不應暫

用十全大補湯加五味子麥門冬口乾舌燥腎氣虛也去三味加熟地黃山茱萸山藥如不應兼六味丸又不應佐以補中益氣湯自汗內熱口乾胃氣虛也去三味加參芪歸木如不應暫用六君子湯盜汗內熱口乾陰血虛也去三味加熟地黃麥門冬五味子如不應暫用當歸六黃湯竹葉黃芪湯神治癰疽大渴發熱或瀉或小便如淋

生地黄 各貳錢 當歸 酒拌
淡竹葉 川芎 甘艸 炙

黃芩 炒 白芍藥 炒 人參

括蔞根 煨各壹錢 石膏 煨各壹錢 麥門冬 去心貳錢

水貳鍾薑叁片煎八分食遠服
薛氏曰前證乃七惡中之一也此方治之其功甚捷亦有左手脉浮大而熱或渴者宜發散表邪右手脉沉實而熱或渴者宜疎去內邪若潰後作渴或小便如淋或脉大而無力者屬氣血虛也宜大補氣血亦有潰後熱不止或作渴遂以為敗證不治若素有胃火或胃經熱毒未盡胃脉尚數者仍宜服前湯服而脉反大熱愈甚渴愈作斯為敗證

蓋因真氣虛而邪氣實也今之潰瘍畏石膏黃芩
二藥性冷多不肯服若胃脉未靜非此藥莫能治
也若因循日久煎熬氣血膿血愈多氣血愈虛反
成敗證矣治者當捨證從脉可也大抵瘡瘍之證
七惡內見一二惡甚可畏虛中見惡證者不治實
證無惡候者自愈

托裏黃芪湯 治證同前

黃芪炒陸錢 甘草炙 括蔞根各壹錢

水貳鍾煎捌分頻服之加入參壹錢尤妙
薛氏曰愚用此方治氣虛作渴甚效若氣血俱虛

或膿血大泄作渴或兼發熱者宜托裏養榮湯

托裏養榮湯

人參 黃芪炙 當歸酒拌
芍藥炒 熟地黄 麥門冬去心
川芎 白朮各壹錢 五味子研
炙甘草各伍分

水貳鍾薑叁片棗貳枚煎捌分食遠服

黃芪六一湯 常服終身可免癰疽實治渴補虛之

要劑也

綿黃芪陸兩用淡鹽水潤飯上蒸焙乾 甘草壹兩一分

每剉壹兩水貳鍾煎捌分食遠服 或為細末每服貳錢早晨日午白湯調服 加入參尤妙
七味白朮散 治胃氣虛或因尅伐或因吐瀉口乾作渴飲食少思

白朮

茯苓

人參

甘艸

木香

藿香葉

葛根

右為細末每服參伍錢白湯調下

竹葉石膏湯

治癰疽胃火盛腫痛作渴

淡竹葉

石膏

桔梗

木通

薄荷

甘草

右薑水煎服

玄參散 治癰疽成膿水不能下食心煩口乾煩渴

玄參 飲水多四肢羸瘦

玄參

黃連

土瓜根

麥門冬

赤芍藥

白鮮皮

升麻

火麻仁

川朴硝

川大黃

右剉每服參錢水壹中盞入生地黄壹分細切同煎至陸分去滓不拘時溫服

葛根散 治癰腫熱盛口乾煩渴或時乾嘔

葛根

黃芪

升麻

麥門冬 去心

瓜蒌根

赤芍藥

梔子仁

生地黃 各壹兩

黃芩 宋錢半

甘草 生用 半兩

右剉每服肆錢水壹中盞煎陸分去滓無時溫服

乾葛飲 治發背作渴

黃芩

朴硝 各壹兩 貳錢半

乾葛 壹兩

右剉散每服叁錢用枇杷葉去背上一白毛淨洗同

煎不拘時服

忍冬丸 治渴疾既愈預防發疽先將忍冬草入瓶

內後入無灰酒微火煨一宿取出晒乾少加甘草

俱為末又以所浸餘酒調糊丸如梧桐子大每服

陸柒拾丸溫酒下又治五痔諸瘻

桑枝方大治口渴取嫩桑枝細切壹升炒以水參升

煎壹升日服五七劑更多尤妙抱朴子云療風痺

乾燥臂痛脚氣四肢拘攣上氣眩暈又服補肺消

食利小便輕身聰明令人光澤其功不能盡述

薛氏曰桑枝補血氣生津液輕身明目補肺腎之

良劑也

五味子湯 治腎水枯涸口燥舌乾

黃芪 炒參兩

人參 貳兩

五味子

麥門冬 去心

粉甘草 伍錢

每服伍錢水煎日夜服五七劑

薛氏曰此方乃六一湯生脉散之複方滋化源之

良劑若腎水既涸虛火上炎而口燥作渴者須佐

以加減八味丸

加減八味地黄丸

懷慶地黄

肥火沉水者酒洗淨焙盛之大砂鍋內竹棒架起湯浸過盆底原蓋蓋

之濕紙糊縫勿令泄氣以火從已至西蒸之候

冷取出晒極乾秤准捌兩重再如前法蒸之乘

乾山藥

山茱萸肉

五味子 各肆兩

牡丹皮 木

白茯苓

澤瀉 酒浸蒸焙

肉桂 貳兩

右各另為末入地黄和勻加煉蜜丸如梧桐大每

服柒捌拾丸空心食前白湯下

李氏曰一貴人病疽未安而渴作日飲水數升予

用前方諸醫大笑云此藥若能止渴我輩不復業

醫矣仍用木瓜烏梅百藥煎等渴愈甚不得已用

此丸三日渴止久服氣血益壯飲食加倍

○嘔

大法精要云嘔逆有二證一證謂初發不曾服內托

散伏熱在心一證謂氣虛脾氣不正其伏熱在心者
與內托散三兩貼氣虛者宜嘉禾散有寒熱宜正氣
散兼與山藥丸以補腎丹溪曰諸逆衝上嘔噦皆
屬於火內托散性涼固有降火之理若嘉禾散補力
已少徒溫煖以助火耳山藥丸補腎以壯下焦之陰
粗為近理然治嘔須分先後腫瘍時當作毒氣上攻
治之潰瘍後當作陰虛治之若年老因疽潰後嘔逆
不食者宜參芪白朮膏峻補取効佐使藥隨時隨證
加減恐用山藥丸緩急未易得力河間謂瘡瘍嘔者
濕氣侵胃也藥中宜倍加白朮

薛瘡瘍作嘔不可泥於毒氣內攻而槩用敗毒等藥
如熱甚熾痛邪氣實也仙方活命飲解之作膿熾痛
胃氣虛也托裏消毒散補之膿熱脹痛氣血虛也先
用托裏散後用針以泄之熾痛便秘熱蘊於內也內
疎黃連湯導之若因寒藥傷胃而嘔者托裏健中湯
胃寒少食而嘔者托裏益中湯中虛寒淫而嘔者托
裏溫中湯肝木乘脾上而嘔者托裏抑青湯胃脘停
痰而嘔者托裏清中湯脾虛自病而嘔者托裏益黃
湯鬱結傷脾而嘔者托裏越鞠湯若不詳究其源而
妄用攻毒之藥則腫者不能潰潰者不能斂矣丹溪

雖曰腫瘍當作毒氣攻心治之潰瘍當作陰虛治之亦大槩之言耳今之熱毒內攻而嘔者寡脾胃虛寒而嘔者多豈可膠柱而鼓瑟哉 又曰欲嘔作嘔或外搽內服寒涼或痛甚或感寒邪穢氣而嘔皆胃氣虛也托裏消毒散去三味加藿香倍參朮
甘瀉 熱盛脈數精要與漏蘆湯單煮大黃湯等若不甚熱脈緩弱只投五香連翹湯 丹溪曰熱盛脈數若腫瘍時藏府祕而體實者猶可與也若潰瘍膿血出多熱盛脈數去死為近豈可下乎緩弱之脈古人皆以為邪毒已散五香之飛走升散其可用乎

李氏云癰疽嘔逆是毒氣衝心非脾胃之冷當服內托散楊氏云鼻衄初愈不曾表汗毒在經絡則背發大疽自肩下連腰脇腫硬如石其色紫黑以涼藥投之終夜大嘔連進內托散嘔止瘡潰赤水淋漓四十日而愈又有患癰者痛過徹嘔服此即止今有病疽不服此藥者故引楊氏之言以解世人之惑
虛補 丹溪治一老人年七十患背疽徑尺餘已雜與五香十宣數十貼膿血腥穢嘔逆不食者旬餘病人自服內托散膈中不安且素有淋病三十年今所苦者淋之痛與嘔吐不得睡而已急以參芪歸朮煮膏以牛

膝湯入竹瀝飲之三日後盡藥壹斤半淋止思食七日後盡藥四斤膿自涌出而得睡又兼旬而安一男子年六十餘性好酒肉背疽見膿嘔逆發熱蓋其得內托十宣多矣醫以嘔逆於嘉禾散中加丁香以溫胃行氣時七月大熱脈洪數有力予因謂此脈證在潰瘍尤忌然形氣實只與人參膏和竹瀝飲之盡藥十五斤竹百餘竿而安予曰此病幸安也不薄味必再作仍厚味自若夏月醉後坐水池中又年餘左脇傷生一軟塊如餅二年後軟塊為疽本火見膿血淋漓而脈洪數有力又嘔逆食少遂自以人參膏入

竹瀝飲之又十餘斤百餘竿而安今八十歲強健如舊此病兩以老年氣血弱專服人參竹瀝而愈若與內托十宣恐未能若是之安全也 婁全善治一男子腫瘍嘔諸藥不止用獨參湯一服嘔即愈 薛新甫治一人腹癰焮痛煩躁作嘔脈實河間云瘡瘍者火之屬須分內外以治其本若脈沉實者先當疎其內以絕其源又云嘔噦心煩脈沉而實腫硬木悶或皮肉不變邪氣在內宜用內疎黃連湯治之遂用前湯通利二三行諸證悉去更以連翹消毒散而愈 一人患臂毒焮痛作嘔服托裏消毒藥愈甚以

涼膈散二劑頓退更以四物湯加苓連四劑而消
 新甫又治一人年踰四十患發背已潰忽嘔而瘡痛
 胃脈弦緊彼以為餘毒內攻東垣云嘔吐無時手足
 厥冷臟腑之虛也丹溪云潰後發嘔不食者濕氣侵
 於內也又云膿出而反痛此為虛也今胃脈弦緊木
 乘土位其虛明矣欲以六君子湯用酒炒芍藥砂仁
 藿香治之彼自服護心散嘔愈甚復數治仍用前藥
 更以補氣血藥兩月而愈大抵濕氣內侵或感穢氣
 而作嘔者必喜溫而脈弱熱毒內攻而作嘔者必喜
 涼而脈數必須辨認明白

橘半胃苓湯 治癰疽嘔吐不下食不知味

橘紅 薑製各 半夏 薑製各 蒼朮 米泔炒

白朮 炒 厚朴 薑製 甘草 多

茯苓 人參 澤瀉

茅根 各真錢 薑汁 數匙

水貳鍾煎壹鍾入薑汁煎一上沸作十餘次飲之
 薛氏曰前證七惡中之五惡也用此方後胃氣將
 醒宜用六君子湯兼服之亦有煩躁飲冷不食脈
 沉實而嘔者恐不可用此宜內疎黃連湯方見
 加減托裏消毒散 治瘡瘍欲嘔作嘔或外搽內服

寒涼或痛甚或感寒邪穢氣而嘔皆胃氣虛也去
白芷連翹金銀花加參朮藿香方見腫瘍
托裏健中湯 治瘡瘍元氣素虛或因涼藥傷胃飲
食少思或作嘔瀉等證

人參

白朮

茯苓

半夏

炮薑

炙甘草

黃芪

肉桂

右薑棗水煎服

托裏益中湯 治中氣虛弱飲食少思或瘡不消散
或潰而不斂

人參

白朮

陳皮

半夏

茯苓

炮薑

木香

炙甘草

右薑棗水煎服

托裏抑青湯 治脾土虛弱肝木所侮以致飲食少
思或胸膈不利等證

人參

白朮

茯苓

半夏

芍藥

柴胡

甘草

陳皮

右薑棗水煎服

托裏清中湯 治脾胃虛弱痰氣不清飲食少思等

證

人參

白朮

陳皮

茯苓 各壹錢

半夏 捌分

桔梗 柒分

甘草 伍分

右薑棗水煎服

托裏益黃湯 治脾土虛寒水反侮土以致飲食少

思或嘔吐泄瀉等證

人參

白朮

陳皮

茯苓

半夏 各壹錢

炮薑

丁香

炙甘草 各伍分

右薑棗水煎服

托裏越鞠湯 治六鬱所傷脾胃虛弱飲食少思等

證

人參

白朮 各貳錢

陳皮

半夏 各壹錢

山梔

川芎

香附米

蒼朮 各柒分

炙甘草 伍分

右薑棗水煎服

人參理中湯 治瘡瘍脾胃虛寒嘔吐泄瀉飲食少

思肚腹作脹或胸膈痞痞飲食不入

白朮

人參

乾薑

甘草

炙各等分

右薑棗水煎服

○痛

夫瘡瘍之證候不同寒熱虛實皆能為痛止痛之法殊非一端世人皆謂乳沒可以止痛殊不知因病制宜自有活法故因熱而痛者以寒涼之劑折其熱則痛自止也因寒而痛者以溫熱之藥熨其寒則痛自止也因風而痛者除其風因濕而痛者除其濕燥而痛者潤之寒而痛者通之虛而痛者補之實而痛者瀉之膿鬱而閉者開之惡肉侵潰者引之陰陽不和者調之經絡滯澁者利之憂愁者遠志酒飲之虛寒

而痛者乳香沒藥止之太抵癰疽不可不痛不可大痛若大痛悶亂者危薛新甫云瘡瘍之作由六淫七情所傷其痛也因氣血凝滯所致假如熱毒在內便秘而作痛者內疎黃連湯導之熱毒熾盛焮腫而作痛者黃連解毒散治之不應仙方活命飲解之瘀血凝滯而作痛者乳香定痛散和之作膿而痛者托裏消毒散排之膿脹而痛者針之膿潰而痛者補之若因氣虛而痛四君加歸芪血虛而痛四物加參芪腎虛而痛六味地黃丸口乾作渴小便頻數者加減八味丸此皆止痛之法也

托裏消毒散加減法 若高腫焮痛執毒也加黃連
漫腫微痛氣虛也去金銀花連翹加參朮 腫赤
作痛血凝滯也加乳香沒藥如不應暫用仙方活
命飲 膿出反痛氣血虛也去金銀花連翹白芷
加參芪歸地 漫腫不痛或肉死不潰脾氣虛也
去三味加入參白朮如不應加薑桂更不應急加
附子

癰疽膿血大泄敗臭痛甚宜用黃芪人參湯

黃芪人參湯

人參

蒼朮 米泔浸炒

白朮 炒

陳皮

麥門冬 去心

當歸 酒拌

神麴 炒

甘州 炙

五味子 杵各壹錢

黃芪 炙貳錢

黃檗 炒

升麻 各肆分

作一劑水貳鍾薑參片棗貳枚煎捌分食遠服

薛按前證七惡中之二惡也宜此方治之亦有潰
後虛而發熱或作痛少寐尤效若痛少止大便不
實黃檗麥門冬可不用蓋恐寒中也凡瘡膿潰之
後若肌洪大則難治自利者不治
癰疽大痛不止宜用加味解毒湯

涼

加味解毒湯

癰疽大痛

小斗二

七

黃芪鹽水炒

黃連炒

黃芩炒

黃檗炒

連翹

當歸酒拌各

甘州炙

白芍藥

梔子仁炒各

作一劑水貳鍾煎捌分服之藥下痛即止
按此方若脉洪大按之有力者用此解之其功甚捷亦有便秘脉實而痛者宜用內疎黃連湯下之若潰而反痛者宜用內補黃芪湯補之

補內補黃芪湯

黃芪鹽水拌炒貳錢

熟地黄酒拌

人參

茯苓

甘州炙各伍分

芍藥炒

川芎

官桂

遠志去心炒

當歸酒拌各捌分

麥門冬去心伍分

作一劑水壹鍾半薑叁片棗貳枚煎陸分食遠服
當歸和血散治瘡瘍未發出肉痛不可忍及治婦人產前產後腹痛

當歸貳錢

乳香半錢

沒藥壹錢半

白芍藥叁錢

右為細末每服壹錢水壹中盞煎柒分和滓溫服
且二婦人酒煎瘡既發不須用瘡痒者加入參木香婦人服之加赤芍藥

迴瘡金銀花散 治瘡瘍痛甚色變紫黑者

金銀花 連枝葉俱用 剉研貳兩 黃芪 肆兩

甘草 壹兩

右咬咀用酒壹升同入壺瓶內閉口重湯煮三兩時辰取出去滓頓服之 一方無黃芪

温 郭氏定痛托裏散 治一切瘡腫疼痛不可忍如少

壯氣充實先用疎利後服此藥

粟殼 去蒂炒 貳兩 當歸 白芍藥

川芎 各半兩 乳香 沒藥

桂 各叁錢

右咬咀每服伍錢水煎

乳香止痛散 治一切瘡腫疼痛不止

粟殼 陸兩 製 白芷 叁兩 甘州炙

陳皮 各壹兩 兩半 乳香 沒藥 各壹兩

丁香 半兩

右咬咀每服叁錢水壹盞半煎

乳香黃芪散 治一切惡瘡癰疽發背疔瘡疼痛不

可忍者或未成者速散已成者速潰敗膿不假刀

砒其惡肉自下及治打撲傷損筋骨疼痛

黃芪 去蘆 當歸 酒洗 川芎

麻黃

去根節

甘草

生用

芍藥

人參

去蘆

粟殼

各壹兩
蜜炒

乳香

另研

沒藥

各伍錢
另研

陳皮

壹兩

右為細末每服叁錢水壹盞煎至米分去粗溫服
如瘡在上食後在下食前服之
人參內托散 治瘡瘍潰膿而作痛者

人參

黃芪

當歸

川芎

厚朴

防風

桔梗

白芷

官桂

紫草

木香

甘艸

右入糯米壹撮水煎服

乳香丸

治發背及一切疽瘡潰爛痛不可忍

乳香

別研

沒藥

別研

羌活

五靈脂

獨活

各叁錢

川芎

當歸

真桑豆粉

交趾桂

川白芷

白膠香

各半

右為細末煉蜜和丸如彈子大每服壹丸細嚼薄
荷湯送下手足損痛不能起者加草烏用木瓜鹽
湯送下

外治

乳香定痛散

治一切瘡瘍潰爛疼痛

宜直每症痛

小科十二

乳香

寒水石

各壹兩

冰片

壹錢

沒藥

各伍錢

滑石

右為細末擦患處痛即止
能止痛更加蓖麻仁尤佳

敷藥中加南星半夏

豆豉餅

治瘡瘍腫痛硬而不潰及潰而不斂并一切頑瘡惡瘡用江西豆豉餅為末唾津和作餅子

如錢大厚如參艾置患處以艾壯於餅上灸之乾則易之如背瘡用漱口水調作餅覆患處以艾鋪餅上灸之如未成者即消已成者亦殺其大毒如有不効氣血虛敗也

乳香膏

治諸瘡痛久不瘥

乳香

壹兩

食鹽

松脂

杏仁

去皮尖研

生地黄

取汁

白羊腎脂半斤

黃蠟

兩

右先熬脂令沸下杏仁地黄汁蠟

煎候臘熔盡入香鹽松枝煎以柳箒攪令勻稀稠得所磁盒盛瘡上日三四度

又乳香膏

木鱉子

去殼

當歸

各壹兩

柳枝

貳捌寸

白膠香

油煎化用綿子濾之

乳香

沒藥

各半兩

右煉藥鐵鈔令極淨再傾前藥油蠟在內候溫入黃丹壹兩半以兩柳枝攪極得所再上火煎不住手攪候油沸起住攪注在水中成珠不散為度秋冬欲軟春夏欲堅傾在水中出火毒搜成劑收之戴院使云有不傳藥時大痛傳即不痛有不傳藥不痛傳之則痛蓋寒熱風濕并憂怒等氣積而內攻則痛不禁藥拔出之故不痛也死血陰毒在中愈伏愈深愈不覺痛藥發之於外故反痛也

○出血

薛瘡瘍出血因五臟之氣虧損虛火動而錯經妄行

也當求其經審其因而治之若肝熱而血妄行者四物炒梔丹皮苓朮肝虛而不能藏血者六味地黃丸心虛而不能主血者四物炒連丹皮苓朮脾虛熱而不能統血者四君炒梔丹皮若脾經鬱結用歸脾湯加五味子脾肺氣虛用補中益氣加五味子氣血俱虛用十全大補陰火動用六味丸加五味子天凡失血過多見煩熱發渴等證勿論其脈急用獨參湯以補氣經云血生於氣苟非參芪歸朮甘溫等劑以生心肝之血決不能愈若發熱脈大者不治凡患血症皆當以犀角地黃湯為主 翰林屠漸山年四十患

濕毒瘡疾誤用輕粉之劑虧損元氣不能愈一日
特曉之際診之肝脉忽洪數而有方余曰何肝脉之
如此侵晨瘡出黯血三四碗體倦自汗雖甚可畏所
喜血黯而脉靜余曰此輕粉之熱血受其毒而妄行
輕粉之毒亦得以泄邪氣去而真氣虛也當急用獨
參湯主之余重其爲人體恤甚篤但惑於他言不果
致邪氣連綿不已惜哉 一人背瘡出血煩躁作渴
脉洪大按之如無此血脫發躁用當歸補血湯二劑
少愈又以八珍加黃芪山梔數劑全愈 一婦人潰
後吐鮮血三碗許余用獨參湯而血止用四君熟地

芎歸而瘡愈此血脫補氣陽生陰長之理也若用涼
血降火沉陰之劑脾土生氣復傷不惟血不歸源而
死無疑矣 一老婦手大指患疔爲人針破出鮮血
手背俱腫半體皆痛神思昏憤五日矣用活命飲始
知痛在手瘡勢雖惡不宜大攻再用大補劑又各一
劑外用隔蒜灸喜此手背赤腫而出毒水又各一劑
赤腫漸潰又用托裏藥而瘡 南儀部賀朝卿陞山
西少叅別時余見其唇鼻青黑且時搔背問其故曰
有一小瘡耳余與視之果疽也此脾胃敗壞爲不治
之證余素與善悲其途次不便殯斂遂托其僚友張

東沙輩強留之勉與大補但出紫血虛極也或謂毒熾不能為膿乃服攻毒藥一鍾以致嘔逆肌脫果卒於南都 愈憲張碧崖腰患疽醉而入房肌洪數兩尺更大余辭不治將發并其子強留頃間吐臭血五六碗余意此腎經虛火而血妄行血必從齒縫出將谷肉桂等補腎制火之藥各用確別煎熟聽用血止拭齒視之果然遂合一鍾冷服之熱渴頓止少頃溫服一鍾肌細欲脫氣息奄奄得藥則肌少復良久仍脫其子疑內有膿欲刺之余曰必無乃以鴛翎管絛內果如余言次日肌脫脚寒至膝腹內如冰急用六

君加薑附腹始溫膿始潰瘡口將完彼因待者皆愛妾又患小便不通此陰已痿而思色以降其精精內敗不出而然耳用加減八味丸料加參芪白朮一劑小便雖愈瘡口不斂而沒

東垣聖愈湯 治諸惡瘡血出不止以寒水石細末摻之立止或瘡時間作黑色不可潰也藥力去盡却紅和如血出多而心煩不安不得眠睡此亡血也此湯主之

- 熟地黄 各叁錢
- 生地黃 各叁錢
- 當歸身 壹錢
- 川芎 貳錢
- 黃芪 伍分
- 人參 叁分

右吹咀都作一服水壹盞半煎至壹盞去滓稍熟
服無時按此方參芪與歸地
輕重懸殊必有訛也

濟生犀角地黄湯 治胃火血熱妄行吐衄或大便
下血者

犀角 鎊末 生地黄 赤芍藥

牡丹皮 各壹錢半 升麻 黃芩 炒各壹錢

右水煎熟入犀角末服

若因怒而致加山梔柴胡若脾氣虛而不能攝用
歸脾湯若肝脾火動而妄行用加味逍遙散若脾
氣虛而不能統用補中益氣湯加炮黑乾薑若血

虛有火而妄行用四物加炮薑若腎經虛火而血
妄行用六味丸料不應急加肉桂以引虛火歸源

獨參湯 治一切失血或膿水出多血氣俱虛惡寒
發熱作渴煩躁蓋血生於氣故血脫補氣陽生陰
長之理也用人參貳兩棗拾枚薑拾片水煎徐徐
服

托裏消毒散加減法 膿多帶赤血虛也去金銀花

連翹白芷三味加歸地參朮如不應暫用八珍湯
加牡丹皮 忿怒晡熱而出血肝火血虛也去三
味加牡丹皮炒黑山梔熟地如不應暫用八珍湯

送六味丸 一面青脇脹而出血肝氣虛而不能藏血也去三味加山茱山藥五味子如不應兼六味丸食少體倦而出血脾氣虛而不能攝血也去三味加參朮歸地兼鬱怒少寐更加遠志酸棗仁茯神龍眼肉如不應暫用歸脾湯

○瘡僵肉

海洽背瘡肉長疾皮不及裹見風即成殭以寒水石燒研為細末傅瘡上再用銅綠細末之肉即不作殭矣

○瘡變急牽陰入腹

圖經古方療惡瘡癰腫或連陰髀間疼痛急變牽入小腹不可忍一宿則殺人者用茴香苗葉搗取汁壹升服之日三四用其滓以貼腫上冬中根亦可用此外國方永嘉以來用之起死神效

○咽喉口舌生瘡

精要犀角膏 治咽喉口舌生瘡昔有一貴人因疽而生此證醫者以為心臟絕盡皆辭退愚進此藥一日而安

真琥珀 研

生犀角 各壹錢

辰砂 研

茯神 去木各貳錢

真腦子 研壹字

人參 去蘆

酸棗仁去皮研
各貳錢

右人參茯苓神犀角為細末入乳鉢內別研藥味和勻用蜜搜為膏子以瓷瓶收貯俟其疾作每服壹彈子大以麥門冬去心濃煎湯化服一日連服五服取效此方潰瘍不宜用

○大便秘結

薛東垣先生云瘡瘍熱毒深固嘔啞心逆發熱而煩脈沉而實腫硬木悶大便秘結此毒在臟宜疎通之故曰疎通其內以絕其源又曰瘡瘍及諸病面赤雖伏火熱不得妄攻其裏而陽氣拂鬱邪氣在經宜發

表以去之故曰火鬱則發之凡大便不通飲食雖多肚腹不脹切不可通若腹痞脹而不通者乃直腸乾涸也宜用豬膽汁導之若腸胃氣虛血涸而不通者宜用十全大補湯培養之若瘡症屬陽或因入房傷腎而不通者宜用前湯加薑附回陽多有得生者經云腎開竅於二陰藏精於腎津液潤則大便如常若潰瘍有此因氣血虧損腸胃乾涸當大補為善設若不審虛實而一於疎利者鮮有不誤一人仲夏患發背黯腫尺餘皆有小頭如鋪黍狀四日矣此真氣虛而邪氣實遂隔蒜灸服活命飲一劑其邪頓退乃

純補其真又將生脉散以代茶飲瘡邪大退余因他
往三日復視之飲食不入中央死肉大便祕結小便
赤濁余曰中央肉死毒氣盛而脾氣虛也太便不通
腸虛而不能傳送小便赤濁脾虛而火下陷治亦難
矣彼始云莫非間斷補藥之過予曰然乃急用六君
子加當歸柴胡升麻飲食漸進大便自通外用烏金
膏塗中央三寸許四圍紅腫漸消中央黑腐漸去乃
敷當歸膏用地黃丸與前藥間服將百劑而愈一
男子腿患癱因服尅伐虧損元氣不能成膿余為托
裏而潰大補而斂但大便結燥用十全大補湯加麥

門五味而潤月餘仍結惑於人言乃服潤腸丸而瀉
不止余用補中益氣湯送四神丸數服而止

潤腸丸 治脾胃伏火大腸乾燥或風熱血結宜用

此丸通之若結在直腸宜豬膽汁導之蓋腎主五
液開竅於二陰若津液滋潤大便通調若津液不
足脾氣虧損必當培補猶忌前藥

- 麻子仁
- 當歸尾
- 秦艽
- 桃仁去皮尖
- 羌活
- 大黃煨
- 皂角刺

右各另研為末煉蜜或豬膽汁丸桐子大每服參

肆拾丸白湯下若使豬膽汁導之而不結燥急補元氣

○大便瀉利

薛瘡湯大便泄瀉或因寒涼尅伐脾氣虧損或因脾氣虛弱食不尅化或因脾虛下陷不能升舉或因命門火衰不能生土或因腎經虛弱不能禁止或因脾腎虛寒不能司職所主之法若寒涼傷脾用六君加木香砂仁送二神丸脾虛下陷用補中益氣送二神丸命門火衰用八味丸料送四神丸腎虛不禁用薑附湯加吳茱萸五味脾腎虛寒用參附湯送四神丸

病機云脉沉而細身不動作睛不瞭瞭飲食不下鼻準氣息者薑附湯主之身重四肢不舉者參附湯主之仲景先生云下痢腸鳴當溫之脉遲緊痛未止當溫之太孔痛當溫之心痛當救裏可與理中附子四逆輩精要云癰疽嘔瀉腎脉虛者不治此發內經之微旨也凡此實難治之症如按前法治之多有可生者一婦年踰四十背疽不起發泄瀉作嘔食少厥逆脉息如無屬陽氣虛寒用大補劑加附子薑桂不應再加附子一劑瀉愈甚更以大附子薑桂各叁錢參芪歸木各伍錢作一劑腹內始熱嘔瀉乃止手足

漸溫脉息隨復更用大補而潰再用托裏而斂十年後仍患脾胃虛寒而歿

加減托裏消毒散

治飲食少思腸鳴腹痛腹冷泄瀉乃脾氣虛寒也去芷翹銀花加炮薑木香手足

逆冷脾血虛寒也更加附子煎送四神丸

和氣散

治癰疽潰後氣虛滑泄四肢逆冷

蒼木

肆兩米泔浸三日洗淨晒乾再以米醋炒令香黃色 甘艸 炙

青皮

去穢各壹兩

良薑

炒

肉桂

乾薑

炮各半兩

陳粟

半升

右七味為末每服壹錢用炒茴香末半錢相和溫

酒調下不拘時

按此但有燥溫耳無補氣藥非氣虛者所宜

四神丸

治脾腎虛弱大便不實飲食少思或小腹

作痛或產後泄瀉肚腹作痛不思飲食

肉豆蔻

五味子

各貳兩

補骨脂

肆兩

吳茱萸

湯浸炒壹兩

右為末別以水貳碗生薑捌兩煮紅棗壹百個熟爛去皮核用和末為丸桐子大每服伍柒拾丸空心食前白湯下

二神丸

治脾腎虛寒不思飲食或侵晨五更泄瀉

或飲食少思大便不實其功甚効如不應乃命門

火衰急服八味丸補火而生土

破故紙肆兩炒肉豆蔻貳兩生用

右為末用大紅棗肆拾枚生薑肆兩水煮熟去薑取棗肉和藥丸如桐子大每服伍拾丸空心鹽湯送下

○小便淋瀝頻數

薛瘡瘍小便淋漓頻數或莖中澇者腎經虧損之惡症也宜用加減八味丸以補陰足脛逆冷者宜用八味丸以補陽若小便頻而黃者宜用四物湯加參朮麥門五味以滋肺腎若小便短而少者宜用補中益

氣加山藥麥門五味以補脾肺若熱結膀胱而不利者宜用五淋散以清熱若脾氣燥而不能化者宜用黃芩清肺飲以滋陰若膀胱陰虛陽無以生者宜用六味丸若膀胱陽虛陰無以化者宜用滋腎丸腎虛之患多傳此症非滋化源不救若用黃檗知母反瀉其陽以速其危若老人陰痿思色精內敗莖中痛而不利者用加減八味丸加車前牛膝不應更加附子多有復生者若精已竭而復耗之大小便中牽痛愈痛則愈便愈則愈牽痛以前藥加附子亦有復生者王太僕云無陰則陽無以化無陽則陰無以生當

滋其化源苟專用淡滲復損真陰乃速其危也 職
方王葯塘背疽潰後小便淋漓或時自遺作渴引飲
煩熱不寐瘡口焮赤時或如灼時或便遺余曰此腎
虛之惡症用加減八味丸加麥門數劑而痊 駕部
林汝玉冬不衣綿作渴飲冷每自喜壯實哂余衣綿
診其脉數大無力余曰至火令當求余也三月間果
背熱便悶脉溢用四物加苓連山梔數劑大便稍和
却去苓連加參木茯苓二十餘劑及前丸半斤許渴
減六七背熱亦退至夏背發一疽純用托裏之劑而
飲

托裏消毒散加減法 莖中痛而小便不利精內敗
也去連翹白芷金銀花三味加山茱萸山藥澤瀉
如不應佐以六味丸 愈便則愈痛愈痛則愈便
精復竭也去三味煎送六味丸 食少體倦口乾
飲熱小便黃短脾肺虛熱也去三味加五味子山
茱萸如不應暫用六味丸 勞役而小便黃元氣
下陷也去三味加升麻柴胡 午後小便黃短腎
虛熱也去三味加升麻柴胡煎送六味丸
黃芩清肺飲 治肺經陰虛火燥而小便不通若因
脾經有熱當清其脾若因心火尅肺當制其心

黃芩 壹錢

梔子 叁枚打碎

右水煎服

滋腎丸 治腎經陰虛發熱作渴便赤足熱腿軟等證凡不渴而小便秘熱在下焦血分也最宜此藥經云無陰則陽無以化若脾肺燥熱所遺當滋其化源

知母

黃檗 各酒炒 壹兩

肉桂 貳錢

右為末水丸如梧桐子大每服百丸空心白滾湯下

五苓散 治下部濕熱瘡每小便赤少

澤瀉 貳兩伍錢

豬苓 去皮 壹兩半

肉桂 柒錢半

白朮

赤茯苓 各壹兩伍錢

右為細末每服壹錢熱湯調下

清心蓮子飲 治膀胱氣虛濕熱玉莖腫痛或莖竅

瀦滯口苦咽乾小便色赤或白濁夜安靜而晝發

熱

黃芩

麥門冬

地骨皮

車前子

炙甘草 各壹錢半

石蓮肉

白茯苓

黃芪

柴胡

人參 各壹錢

右水煎服

五淋散 治膀胱有熱水道不通或尿如豆汁或如

沙石或如膏牛或熱沸便血

赤茯苓壹錢半

赤芍藥

山梔各貳錢

當歸

甘草各壹錢伍分

右用燈心貳拾根水煎服

清肺飲 治渴而小便不利乃肺經有熱是絕寒水

生化之源宜用此藥以清化源其水自生而便自

利矣

茯苓貳錢

豬苓叁錢

澤瀉

琥珀

瞿麥各伍分

通草陸分

木通

篇蓄各柒分

車前子壹錢

燈草壹分

右為細末每服伍錢水煎服

腎氣丸 治腎經陽虛陰無所化以致膀胱淋漓或

脾肺氣虛不能通調水無所化而膀胱癰閉或腎

氣虛熱干於厥陰之絡陰挺痿痺而溺頻數或腎

水虛弱陰虧難降使津液敗濁而為痰水又治腎

虛便血及諸見血發熱自汗盜汗等症之聖藥也

即六味地黄丸

琥珀散 治諸般瘡癩表裏有熱小便赤澀

白茯苓

黃芩

茵陳

紫草

瞿麥

茅根

石韋

烏藥

琥珀

連翹

車前子 各等分

右為極細末每服貳叁錢用燈心湯調下不拘時

瞿麥散 治癰疽發背排膿止痛利小便

桂心

赤芍藥

當歸

黃芪

芩薺

瞿麥

白欬

麥門冬 各等分

赤小豆 壹合酒浸炒乾

右咬咀每服肆錢酒煎溫服如諸癰已潰未潰瘡中膿血不絕痛難忍者加細辛白芷白欬薤苡仁

○頭痛眩暈

托裏消毒散加減法 初腫頭痛發熱邪在表也加

川芎羌活若外邪在表而元氣實者暫用人參敗

毒散 頭痛惡寒表虛也去金銀花連翹加參芪

體倦頭痛或眩暈中氣虛也去三味加柴胡升

麻如不應暫用補中益氣湯加蔓荊子 日晡頭

痛或眩暈陰血虛也去三味加熟地黃如不應佐

以六味丸ヲ 夢泄遺精頭暈頭痛或痰喘氣促腎虛不能納氣也去三味併川芎佐以六味丸如不應太虛寒也用八味丸ヲ

○煩躁

托裏消毒散加減法 面目赤色煩熱作渴脉大而虛血脫發躁也去三味加黃芪當歸如不應暫用當歸補血湯ヲ 身熱惡衣欲投於水脉沉微細氣脫發躁也去三味加肉桂附子如不應暫用附子子理中湯ヲ

○自汗盜汗

托裏消毒散加減法 善思體痛無寐盜汗脾血虛也去三味加茯苓遠志酸棗仁圓眼肉如不應暫用歸脾湯ヲ 寢寐而汗出腎氣虛也去三味加五味子前送六味丸ヲ 飲食而汗出胃氣虛也去三味加參芪歸朮五味子如不應暫用六君子湯ヲ 睡覺飽而出盜汗宿食也去三味加參朮半夏如不應暫用六君子湯ヲ

○多痰

托裏消毒散加減法 胸滿多痰脾氣虛也去三味加桔梗半夏如不應暫用六君子湯加桔梗枳殼

補氣多痰脾血虛也去三味加歸地參朮如不應暫用六君子湯加芩歸熟地咳嗽唾痰腎虧津液泛上也去三味加山茱萸山藥熟地如不應佐以六味丸

○喘急

癰疽喘急恍惚嗜臥此心火刑肺金宜用人參平肺散

人參平肺散

桑白皮炒 知母米分炒 杏仁去皮尖炒
地骨皮 紫蘇 橘紅

半夏薑製

茯苓

青皮

人參

各壹錢

五味子

貳拾粒炒

甘艸

炙伍分

作一劑水貳鍾薑參片煎捌分食遠服

薛按此方理氣清肺化痰之劑若肺脈洪數無力者宜用若兼發熱作渴脈洪數有力者宜用如金解毒散此證火尅金為惡候面赤者亦不治

○胸痞

托裏消毒散加減法 忿怒胸痞肝氣滯也去三味加桔梗山梔如不應暫用補中益氣湯加桔梗枳殼倦怠胸痞中氣虛也去三味加參朮茯苓如

不應乾用八珍湯加柴胡

○目斜視上

癰疽目斜視上黑睛緊小白睛青赤肝挾火邪宜用瀉青丸

瀉青丸方

當歸 酒拌

川芎

山梔仁 炒

羌活

草龍膽 酒拌炒

防風

大黃 酒拌炒 各等分

右為細末煉蜜丸雞頭實大每服壹丸煎淡竹葉湯化下日進二三服如瀉去大黃加荆芥或用黃

連瀉心湯一劑亦可

薛按前症七惡中之三惡也若肝脉弦緊洪數者最當亦有目視不正睛不瞭瞭脉微或浮者乃真氣虛也宜用大補之劑夫瀉青者瀉肝經之火邪也肝屬木其色青故耳

○四肢沉重

胃苓湯

蒼朮 米泔浸 炒貳錢

厚朴 薑製

陳皮

甘草 炙

白朮 炒各壹錢

茯苓 壹錢 柒分

澤瀉

木香 柒分

白芍藥 炒各壹錢

官桂 伍分

淡竹葉 貳拾片

作一劑水貳鍾薑參片棗貳枚煎八分食前服
按前證七惡中之五惡也服而若脾氣醒濕氣除
宜用參苓白朮散之類多服恐導損津液
參苓白朮散

人參

茯苓

白朮 炒

蓮肉 去心

縮砂仁 炒杵

薏苡仁 炒

山藥 各貳兩

桔梗 炒

甘艸 炙

白扁豆 去皮薑汁浸

炒各壹兩

右為細末每服貳錢用石苜蒲煎湯調下

○寒熱往來

托裏消毒散加減法

口苦寒熱往來肝火血虛也

去三味加柴胡熟地

因怒寒熱往來肝火氣虛

也加柴胡黃芩如不應暫用八珍湯加炒山梔炒

酸棗仁酒炒黑龍膽草 體倦寒熱往來肝脾氣

滯也去三味加參芪歸朮如不應暫用補中益氣

湯 內熱晡熱或寒熱往來陰血虛也去三味加

芎歸牡丹皮柴胡如不應暫用八珍湯加牡丹皮

畏寒或寒熱往來胃氣虛也去三味加參苓白

朮升麻如不應暫用補中益氣湯 脇痛痞滿或

寒熱往來肝氣滯也去三味加青皮木香如不應屬氣血虛也更加芎歸參朮若婦人勞役志怒或適經行發熱譫語或夜間熱甚乃熱入血室也去三味加生地丹皮柴胡如不應暫用加味四物湯

○厥逆

加減托裏消毒散治四肢逆冷乃腎氣虛寒也去

三味加桂附仍佐以八味丸

○面目浮腫

癰疽聲嘶色敗唇鼻青赤面目浮腫宜調胃白朮散

調胃白朮散方

白朮炒

茯苓各貳錢

陳皮

白芍藥炒

檳榔

澤瀉各壹錢

木香伍分

作一劑水貳鍾薑參片煎捌分食後服如腫不退

加白朮炒枳實炒各壹錢

薛按前症乃七惡也用此方若濕除氣少退用六君子湯參苓白朮散之類大便不實尤効再用檳榔木香恐傷真氣也亦有真氣虛而致前症者尤不宜用一藥

陽氣脫陷

薛瘡瘍陽氣脫陷或因尅伐之劑或因膿血大泄或因吐瀉之後或因誤而入房若發熱頭痛小便淋瀝或滑數便血目赤煩喘自汗發熱氣短頭暈體倦熱渴意欲飲水投水惡寒憎寒身熱惡衣揚手擲足汗出如水腰背反張鄭聲不絕此無根虛火之假熱症若畏寒頭痛咳逆嘔吐耳聾目矇小便遺難瀉利腸鳴裏急腹痛玉莖短縮冷汗時出齒牙浮動肢體麻痺或厥冷身痛或咬舌齒唇舌根強硬此陽氣脫陷之真寒證皆勿論其脉勿論其瘡但見一二急用參

附湯補之多有復生者大凡潰後勞役元氣虧損或夢遺精脫或滑數便血或外邪乘之或誤用寒涼氣血脫陷而致斯症治以前藥亦有復生者內翰楊阜湖孟夏患背疽服尅伐之劑二十餘矣漫腫堅硬重如負石隔蒜灸五十餘壯背遂輕以六君加砂仁二十劑涎沫涌出飲食愈少此脾虛陽氣脫陷劑用溫補及嘔不食仍用前藥作大劑加附子薑桂又不應遂以參芪各壹斤歸朮陳皮各半斤附子壹兩煎服三日而盡流涎頓止腐肉頓潰飲食頓進再用薑桂等藥托裏健脾腐脫而瘡愈矣少叅史南湖之內

夏患疽不起發脉大而無力發熱作渴自汗盜汗用
參芪大補之劑益加手足逆冷大便不寬喘促時嘔
脉微細按之如無惟大衝不絕仍以參芪白朮當歸
茯苓陳皮計斤許加附子五錢水煎兩鍾作一服諸
證頓退脉息頓復翌日瘡起而潰仍用前藥四劑後
日用托裏藥調理兩月餘而消 一婦卧牀十三年
矣遭回祿益加憂鬱明年三月右肩下發一塊焮腫
如甌中赤外白先用涼藥一劑不解次用十宣散四
劑加痛略紅迎醫視之連投參芪丁桂防芷之劑膿
潰云無恙矣辭去眩暈嘔逆惡寒戰慄頂陷膿清偶

檢外科發揮發背門云若初起一頭如黍不腫不赤
煩躁便秘四五日間生頭不計其數瘡口各如含
粟名曰蓮房發云云始駭為惡症治法雖詳不諳於
行迎薛至診云辛涼解散氣血兩虛者忌之連投參
芪歸木地黃薑附太劑腫高膿稠兼紅烏金膏數日
果腐落筋如脂膜者數片人參每服至捌錢日進二
服逾兩月平復

附子理中湯 治瘡瘍脾胃虛寒或誤行攻伐手足
厥冷飲食不入或腸鳴腹痛嘔逆吐瀉

附子

人參

茯苓

白芍藥 各參錢 白木 肆錢

右水煎服

薑附湯 治瘡瘍直陽虧損或誤行汗下或膿血出多失於補托以致上氣喘急自汗盜汗氣短頭暈

人參 附子 炮去皮臍 乾薑 炮

白朮 各伍 右作二劑水煎服

參附湯 治失血過多或膿瘀大泄或寒涼汗下真

陽脫陷上氣喘急自汗盜汗氣短頭暈等症急服以救元氣緩則不治

人參 壹兩 附子 炮去皮臍 伍錢

右薑五片水煎服不應倍之

內癰

素問曰肝滿腎滿肺滿皆實即為腫王注云兩謂脈氣滿實腫謂癰

腫肺之癰喘而兩胛滿仲景云肺癰吐膿如米粥明燥振寒肝癰兩胛

滿卧則驚不得小便 腎癰脚下至小腹滿大奇論

脚下當作胛下○千金云腸癰之為病小腹腫強按則痛便數似淋仲景云腸癰小腹痞堅蓋小腹痛而者腸癰也即肺癰肝癰之屬

胃脘癰人迎脈逆而盛全文見後

辨藏府內瘡

中府隱隱痛者肺疽 其上肉微起者肺癰

巨闕隱隱痛者心疽 其上肉微起者心癰

期門隱隱痛者肝疽 其止肉微起者肝癰
 章門隱隱痛者脾疽 其止肉微起者脾癰
 京門隱隱痛者腎疽 其止肉微起者腎癰
 中脘隱隱痛者胃疽 其止肉微起者胃癰
 天樞隱隱痛大腸疽 其止肉微起大腸癰
 丹田隱隱痛三焦疽 其止肉微起三焦癰
 關元隱隱痛小腸疽 其止肉微起小腸癰
 懷忠丹 治內癰有敗膿敗血腥穢殊甚所致臍腹
 冷痛用此推膿下血

白芷

單葉紅蜀葵花根 各壹兩

白礬 枯

白芍藥 各伍錢

右研為末 鎔黃蠟丸如梧子 大空心米湯下 參拾
 丸推膿下血 出盡後服 十宣散 補之 忌發物 又方 借膏
煎鯽魚食治腸癰又方 以籠甲燒存性未服之

肺癰 丹溪云癰疽發於內者 肺癰 肝癰 腎癰 腸癰 囊
 內癰 附骨癰 惟肺癰須先解表 今表而出之
 千金欬唾膿血 其脉數實者為肺癰 若口中欬即胃
 中隱痛 脉反滑數 此肺癰也 問曰病者欬逆何以
 知其肺癰 當有膿血吐之 則死 其脉何如 曰寸脉微
 而數 微為風 數為熱 微則汗出 數則惡寒 風中於衛

內癰 肺癰

呼氣不入熱逼於榮吸氣不出風傷皮毛熱傷血脈
風舍於衛其火則欬口乾喘滿咽燥不渴多吐濁沫
時時振寒熱之所過血為凝滯蓄結癰膿吐如米粥
始萌可救膿成則死 問曰振寒發熱寸脈滑數其
人飲食起居如故此為癰腫醫反不知以傷寒治之
不應何以知有膿膿之所在何以別知其處師曰假
令膿在胸中者為肺癰其脈數欬吐有膿血設膿未
成其脈自數緊去但數為膿已成也 薛夫肺者五
臟之華蓋也處於胸中主於氣候於皮毛勞傷氣血
腠理不密外邪所乘內感於肺或入房過度腎水虧

損虛火上炎或醇酒炙煖辛辣厚味薰蒸於肺或咳
唾痰涎汗下過度重亡津液之所致也其候惡風咳
嗽鼻塞項強胸脇脹滿呼吸不利咽燥作渴甚則四
肢微腫咳唾膿血若吐痰臭濁膿血腥穢胸中隱隱
微痛右手寸口脈數而實者為肺疽若唾涎沫而無
膿脈數而虛者為肺痿也若咳嗽喘急者小青龍湯
咳嗽胸脹者葶藶大棗瀉肺湯咳膿腥濁者桔梗湯
咳喘短氣或小便短少者佐以參芪補肺湯體倦食
少者佐以參朮補脾湯咳唾痰壅者腎虛水泛也六
味地黃丸口乾咽燥者虛火上炎也加減八味丸此

症皆因脾土虧損不能生肺金肺金不能生腎水故始萌則可救膿成則多死若脈微緊而數者未有膿也緊甚而數者已有膿也內經曰血熱則肉敗榮衛不行必將為膿大凡肺瘡咳唾膿血久久如粳米粥者難治若唾膿而不止者亦不可治也其嘔膿而自止者自愈其脈短而澁者自痊面色當白而反赤者此火之尅金皆不可治苟能補脾肺滋腎水庶有生者但恐專攻其瘡脾胃益虛鮮有不誤者矣
丹溪治一少婦胸膈間潰一竅膿血與口中所咳相應而出以參芪當歸加退熱排膿等藥而愈云云此

因肺痿所致 項彥章治一人病胸膈壅滿昏不知人項以杏仁薏苡之劑灌之立甦繼以升麻桔梗黃芪消其膿服之踰月瘳項所以知其病者以陽明脈浮滑陰脈不足也浮為火而滑為血聚始由風傷肺故結聚客于肺陰脈之不足則過于宣逐也諸氣本乎肺肺氣治則出入易苑陳除故行其肺氣而病自已 汪石山治一婦年近三十形色瘦白素時或咳嗽一兩聲月水或前或後夏月取涼遂咳甚不能伏枕者月餘嗽痰中或帶血或兼膿嗽急則吐食醫用芩連二陳不效復用參芪等補藥病重汪視左脈浮

滑右脉稍弱而滑幼傷手腕掌不能伸右脉似難憑
矣乃以左脉驗之恐妊兼肺癰也遂以清肺泄肺之
劑進之三服而能著枕痰不吐膿不咯惟時或惡阻
汪曰此妊之常病也教用薏苡仁白朮茯苓麥冬黃
芩阿膠煎服病減月餘復為診脉皆稍緩而浮曰熱
已減矣但吐紅太多未免傷胃教用四君子加陳皮
黃芩枳殼煎服調理妊至六月食雞病作却雞而愈
至九月病又復作聲啞令服童便獲安汪曰產後病
除乃是佳兆病若復作非吾所知月足而產脾胃病
作加泄竟不救 薛立齋治一儒者患肺癰鼻流清

涕咳唾膿血胸膈作脹此風邪外傷也先用消風散
加亂髮灰三服而鼻利又用四君加芩歸及桔梗湯
而愈後因勞役咳嗽吐膿小便滴瀝面色黃白此脾
土不能生肺金肺金不能生腎水也用補中益氣湯
六味地黃丸而愈 一儒者因素善飲咳膿項強皮
膚不澤此脾肺氣虛外邪所乘而成肺癰也先用桔
梗湯後用人參補肺湯而痊 一男子咳唾痰膿胸
腹膨脹兩寸與右關脉皆洪數此火不能生土而土
不能生金也用桔梗湯為主佐以補中益氣湯而愈
一人不時咳嗽作渴自汗發熱便數自用清肺降

火理氣滲利之劑服之反小便不通面目赤色唇烈
痰壅脾肺腎三麻浮大按之而數此足三陰虧損不
能相生當滋化源否則成癰矣不信仍用分利之藥
後果患肺癰余用桔梗湯及六味丸而愈 一男子
面赤吐膿發熱作渴煩躁引飲脉洪數而無倫次先
用加減八味丸加麥門大劑一服熱渴頓止即熟睡
良久覺而神爽索食再劑諸症頓減仍用前藥更以
人參伍錢麥門貳錢伍分五味貳錢水煎代茶飲日
一劑月餘而安此證面赤者當補脾腎面白者當補
脾肺治者驗之 一婦素血虛發熱咳嗽或用痰火

之劑後吐膿血面赤麻數甚危此膿成而血氣
虛也余用八珍湯以補元氣用桔梗湯以治肺左脉
症漸愈 一婦感冒風寒或用發表之劑反致咳嗽喘
急飲食少思胸膈不利大便不通右寸關浮數欲
用通利之劑余曰此因脾土虧損不能生肺金若更
利之復耗津液必患肺癰矣不信仍利之虛證悉至
後果吐膿子朝用益氣湯夕用桔梗湯各數劑吐膿
漸止又朝仍用前湯夕用十全大補湯各五十餘劑
喜其善調理獲愈 一婦咳嗽吐痰胸膈作痛右寸
關浮滑項下牽強此脾胃積熱成痰非癰患也以二

先解表次取膿
夏終補

陳湯加山梔白朮桔梗治之而痊 一婦素血虛肉
熱時咳甲辰孟冬兩尺浮洪余曰當防患肺症丙午
孟春果咳嗽左右寸脉洪數此心火刑剋肺金而成
肺癰也膿已成矣夏令可憂余用壯水健脾之劑稍
愈彼不慎調攝果歿於仲夏

小青龍湯 治肺受風寒咳嗽喘急

半夏湯泡米次 乾薑炮 細辛

麻黃去節 肉桂 芍藥

甘草炙各 五味子蜜拌炒

右每服伍錢薑水煎服

葶藶大棗瀉肺湯 治肺癰喘不得卧

葶藶炒黃研細 大棗拾貳枚

水參升入棗先煮取貳升去棗入葶藶又煮壹升
頓服之又曰治肺癰胸滿脹一身并面白浮腫鼻
塞清涕出不知香臭酸辛咳逆上氣喘鳴迫塞用
前方三日一劑可至三四劑須先與小青龍湯一
劑乃與之

桔梗湯 治欬而胸滿振寒脉數咽乾不渴時出濁

唾腥臭久久吐膿如粥者肺癰也

桔梗 甘草炙各

用水參升者取壹升去滓分温再服則吐膿血也
亦治喉痺三因甘艸倍之每肆錢名四聖散千金
亦名桔梗湯用桔梗參兩甘艸貳兩服後必吐膿
血

葦莖湯

治肺癰又云一本治欬有微熱煩滿心胸

甲錯

葦莖 參升切

薏苡仁 半升

冬瓜仁 半升

桃仁 伍拾枚
去皮

用水壹斗先煮葦葉得伍升去滓入諸仁煮取貳
升分温五服當吐如粥
千金云肺癰當吐膿血葦莖即汁洲間蘆荻之粗

種也

治吐膿血如肺癰狀口臭他方不應者宜消風散入

男子髮灰研細入和之清米飲下可除根只兩服

亦治吐血

消風散方荆芥川芎羌活人參茯苓僵蚕防風藿香蟬蛻各貳錢厚朴陳皮各

半兩為末是也

葦宙獨行方 治心胸甲錯為肺癰黃昏湯主之

用夜合皮掌火壹片水參升煮取貳升分再服

樹按本草即也鳥農樹也

右肺癰證治要略以小青龍湯先與一劑乃行氣
取膿之藥將以解表之風寒邪氣此治腫瘍之例

取勝
雜方

也後以韋宙方終之者將以補裏之陰氣此治潰瘍之例也丹溪所集

如聖丸師橋

治風熱毒氣上攻咽喉痛痺腫塞妨悶及肺癰喘嗽唾膿血胸滿振寒咽乾不渴時出濁沫氣臭腥穢久久咯膿狀如米粥

樟腦另研

牛黃另研

桔梗

甘草

生用各壹錢

為細末煉蜜丸每兩作貳拾丸每用壹丸嚥化

濟生桔梗湯

治肺癰心胸氣塞咳嗽膿血心神煩悶咽乾多渴兩足腫滿小便赤黃太便多澁用桔

梗貝母川歸瓜蒌仁枳殼薏苡仁桑白皮防風已

上各壹兩生甘草杏仁蒸百合各半兩黃芪壹兩

半右修事咬咀每服肆錢水壹椀半生薑伍片煎

至捌分去滓服若太便秘加大黃小便秘加木通

仲景桔梗白散

治欬而胸滿振寒脉數咽乾不渴時出濁唾腥臭久久吐膿如米粥者為肺癰

桔梗

貝母各叁分

巴豆去皮炒研

右三味為散強人飲服半錢七羸者減之病在膈

上者吐膿血膈下者瀉出若下多不止飲冷水一

碗則定

此亦要畧方丹溪不刪採用之者必有微意存焉

內卷 肺癰

小科二

百五

肺癰醫壘元戎搜風湯吐之

牡丹散本治肺癰吐膿血作臭胸乳間皆痛

牡丹皮

赤芍藥

地榆

苦梗

薏苡仁

川升麻

黃芩

生甘草各壹錢半

右作一服水貳鍾煎至壹鍾食遠服一方無黃

芩加生薑煎名升麻湯

如金解毒散治肺癰

桔梗壹錢

甘草壹錢半

黃連炒

黃芩炒

黃蘗炒

山梔炒各柒分

作一劑水貳鍾煎搗分作十餘次呷之勿急服

薛按此方乃降火解毒之劑也發熱煩渴脉洪大

者用之俱效若脉數咳痰腥臭或唾膿痰宜用桔

梗湯大抵肺癰之證脉洪大或吐膿不止者難

治膿自止脉短濇者自愈面赤火尅金也不治

桔梗湯治男婦欬而胸膈隱痛兩脚腫滿咽乾口

燥煩悶多渴時出濁唾腥臭名曰肺癰小便赤黃

太便多澁

桔梗

貝母

當歸酒浸

瓜蒌仁

枳殼麩炒

薏苡仁微炒

桑白皮

防已 去粗皮

甘草節 各壹兩

百合 蒸

黃芪 各壹兩半

北五味子

甜葶藶

地骨皮

知母

杏仁 各半兩

右剉碎每服肆錢水壹盞半生薑叁片煎柒分不拘時溫服咳者加百藥煎執加黃芩太便不利加煨大黃少許小便澀甚加木通車前子煎煩躁加白茅根煎咳而疼甚加入參白芷煎

四順湯

治肺癰吐膿五心煩熱壅悶咳嗽

貝母 去心

紫苑 去苗

桔梗 炒各壹兩

甘草 炙剉半兩

右搗篩每服叁錢水壹盞煎五七沸去滓不拘時稍冷服如咳嗽甚加法皮尖杏仁叁枚同煎小兒量減

治肺癰方

右用薏苡米為末糯米飲調下或入粥內煮吃亦可一方用水煎服當下膿血便愈

瀉白散

治肺癰

桑白皮 炒貳錢

地骨皮

甘艸 炙

貝母 去心

紫苑

桔梗 炒

內卷 肺癰

小科二

百正

當歸 酒拌各壹錢 瓜蒌仁 壹錢半

作一劑水膏鍾薑參片煎捌分食遠服

薛按此方乃為肺邪消毒之劑也若喘咳唾痰沫

肺脉浮數者用之有效如脉大發熱作渴宜用解

毒散解之而後用此劑其或唾膿之際宜排膿如

唾膿後及脉將安宜補肺初起胸膈脹滿喘急咳

嗽宜發散表邪

濟生排膿湯 治肺癰得吐膿後以此排膿補肺

生綿黃芪貳兩細末每貳錢水壹盞煎伍分服

肺癰收斂瘡口止有合權樹皮白斂煎湯飲之

排膿散 治肺癰吐膿後宜服此補肺

黃芪 鹽水拌炒 白芷 五味子 炒并

人參 各等分

為細末每服參錢食後蜜湯調下

寧肺湯 治咳嗽唾膿自汗上氣喘急用此補肺及

治榮衛俱虛發熱自汗

人參 當歸 酒拌 白朮

熟地黃 川芎 白芍藥

甘草 炙 五味子 搗 麥門冬 去心

桑白皮 炙 阿膠 蛤粉炒各壹錢 白茯苓 壹錢

內經 肺經 小丹 二

作一劑水貳鍾薑參片煎捌分食後服

人參補肺湯 治肺症咳喘短氣或腎水不足虛火

上炎痰涎涌盛或吐膿血發熱作渴小便短澀

人參 黃芪 白朮

茯苓 陳皮 當歸 各壹錢

山茱萸肉 山藥 各貳錢 麥門冬 柒分

甘草 炙 五味子 各伍 熟地黃 自製壹錢半

牡丹皮 捌分 右薑棗水煎服

人參平肺散 治心火尅肺傳為疽疾咳嗽喘嘔痰涎壅盛胸膈痞滿咽益不利若因肝木太過而致

當補肺若因腎水不足而患當補脾肺若因心火

旺而自病當利小便

人參 陳皮 甘草

地骨皮 茯苓 各壹錢 知母 炒柒分

五味子 杵炒肆分 青皮 天門冬 去心各伍分

桑白皮 炒壹錢

右水煎服

參芪補脾湯 治肺疽脾氣虧損久咳吐膿涎或中滿不食必服此藥補脾土以生肺金否則不治

人參 白朮 各貳錢 黃芪 貳錢伍分

茯苓

升麻 叁分

桔梗 陸分

右薑棗水煎服

葶藶散

治肺癰咳嗽氣急睡卧不安心胸脹滿

甜葶藶子 貳兩半隔紙炒赤色

白附子

羅參

紫苑 去木各壹兩

右為末每服貳錢燈心湯調下

陳皮

麥門冬 柒分

甘草 炙伍分

當歸 各壹錢

五味子 肆分

款冬花

大硃砂 半兩另研

北五味子 炒

白滑石 貳兩

補肺散

治肺癰已吐膿血以此潤護

真鍾乳粉 壹兩

右研細每服叁錢米飲調下

理肺膏

治肺癰正作咳唾不利胸膈迫塞

訶子 去核

條參 去蘆

知母

紫苑

百藥煎

款冬花藥

貝母

百合

五味子 微炒

杏仁

甜葶藶子

甘艸節 各伍錢

右為末用白茅根淨洗秤叁斤研取自然汁入磁石鍋中熬成膏更添入好蜜貳兩再熬勻候調和

煎藥為圓如梧子大溫水吞下
五香白朮散 寬中和氣滋益脾土生脾金蓮美飲

沉香

木香

明乳香

丁香

藿香葉 各半兩

白朮

羅參

白茯苓

薏苡仁

山藥

篇豆

桔梗

縮砂

白豆蔻

粉草

蓮肉 各壹兩

右為末蘇鹽湯調空心服棗湯亦可有汗加浮麥

煎湯下

肺癰已破入風者不治 肺癰吐膿後其脉短而澀者自痊浮大者難治其面色白而反赤者此火之冠金皆不可治

金匱方論曰熱在上焦者因欬為肺痿肺痿之病何從得之或從汗出或從嘔吐或從消渴小便利數或從便難又被快藥下利重亡津液故寸口脉數其人欬口中反有濁唾涎沫者為肺痿之病若口中辟辟燥欬即胸中隱隱痛脉反滑數此為肺癰欬唾膿血脉數虛者為肺痿數實者為肺癰 妻此言肺痿屬

熱如欬久肺傷聲啞聲嘶咯血此屬陰虛火熱甚是也本論治肺痿吐涎沫而不效者其人不渴必遺尿小便數以上虛不能制下故也此為肺中冷必眩多涎垂用炙甘草乾薑此屬寒也肺痿吐涎多心中溫液者用炙甘草湯此補虛勞也亦與補陰虛火熱不同是皆宜分治之故肺痿又有寒熱之異也
精勞傷血氣滕理虛而風邪乘之內盛於肺也則汗出惡風咳嗽短氣鼻塞項強胃腸脹滿久久不瘥已成肺痿也
保肺癰者由食啖辛辣炙煇或酣飲熱酒燥熱傷肺所致治之宜早

腸癰千金謂妄治必殺人腸癰為病小腹重而強按之則痛便數似淋時時汗出復惡寒身皮甲錯腹皮急如腫狀其脈數者小有膿也巢云洪數者已有膿脈若遲緊者未有膿甚者腹脹大轉側有水聲或繞臍生瘡或膿自臍出或大便出膿血脈經問曰羽林婦病何以知腸有膿師曰脈滑而數滑則為實數則為熱滑則為榮數則為衛衛數下降榮滑上升榮衛相干血為敗濁小腹痞堅小便或澀或自汗出或復惡寒膿為已成設脈遲緊則為瘀血血下即安丹溪云腸癰大腸有熱積死血流注桃仁承氣湯加

內經 腸癰 小腸

連翹秦艽 薛腸癰因七情飲食所致治法脉遲緊者未有膿也用大黃湯下之脉洪數者已有膿也用薏苡仁湯排之小腹疼痛小便不利膿壅滯也牡丹皮散主之若大便或臍間出膿者不治內經曰腸癰為病不可驚驚則腸斷而死故患是者其坐卧轉側理宜徐緩時少飲薄粥及服八珍湯固其元氣靜養調理庶可保全其生 丹溪治一女子腹痛百方不治脉滑數時作熱腹微急曰痛病脉當沉細今滑數此腸癰也以雲母膏一兩丸梧子大以牛皮膠溶入酒中并水下之餉時服盡下膿血愈 一婦以毒藥

去胎後當臍右結一塊痛甚則寒熱塊與臍高一寸痛不可按脉洪數謂曰此瘀血流溢於腸外盲膜之間聚結為癰也遂用補氣血行結滯排膿之劑三日決一鋒針膿血大出內如糞狀者臭甚病婦恐因調氣血生肌則內外之竅自合不旬日而愈 呂滄洲治郡守李母龐病小腹脹眾醫皆以為瘕聚久藥不効呂診循其少陰脉如刀刃之切手胞門乳而數知其陰中痛癰結小腸也告之曰太夫人病在幽隱不敢以聞幸出待人語之乃出老嫗呂曰苦小腸癰以故臍下如瘕聚今膿已成痛迫于玉泉當不得前後

溲溲則痛甚，嫗拜曰：誠如公言，遂用國老將軍為向導，麒麟竭、琥珀之類，攻之膿自出，使出應手愈。呂又治一小兒，十二歲，患內癰，腹脹臍凸而頰銳，醫欲刺臍出膿，其母不許，請呂視之。見一僧擁爐熾炭，然銅筋一枚，烈火中瞪目視翁曰：此兒病癰發，小腸苟舍刺臍，無他法。呂諭之曰：臍神闕也，針刺所當禁，矧癰舍於內，惟當以湯丸攻之。苟如而言，必殺是子矣。僧怒趨而出。呂投透膿散一匕，明日膿自氣合潰，繼以十奇湯下，萬應膏丸而瘥。虞恒德治一人，得潮熱微似瘧，似小腹右邊有一塊大如雞卵，作痛，右腳

不能伸縮，一醫作奔豚氣治，十餘日不驗。虞診其脈，左寸芤而帶澹，右寸芤而洪實，兩尺兩關俱洪，數曰：此大小腸之間欲作癰耳。幸膿未成，猶可治。與五香連翹湯，加減與之間，以蜈蚣炙黃酒調服之，三日愈。儒醫李生治一富家婦，有疾診之曰：腸胃間有所苦，耶婦曰：腸中痛不可忍，而大便從小便出，醫皆謂古無此證，不可治。李曰：試為籌之。若服我之藥，三日當瘳。下小丸子數十丸，煎黃芪湯下之，下膿血數升而愈。其家喜問治法，李曰：始切脈時，覺芤脈見於陽部，脈訣云：寸芤積血在胸中，關內逢芤腸裏癰。此癰

在內所以致然所服者乃雲母膏為丸耳切脈至此
可以言醫矣 薛已治通府張廷用患之兩月餘矣
時出白膿體倦惡寒此邪氣去而中氣虛也乃用托
裏散兼益氣湯徐徐呷之又令以豬肚肺者爛取其
湯調米粉煮時呷半盞後漸調理而痊 一男子裏
急後重下膿脹痛此脾氣下陷用排膿散蠟礬丸而
愈後因勞役寒熱體倦用補中益氣湯而安 一婦
人小腹脹痛小便如淋時時汗出此瘀血凝結於內
先以神効瓜萋散二劑少愈更以薏苡仁湯而愈
一婦人小腹脹痛而有塊脈芤而澁此瘀血為患也

腫瘍
濕例

以四物加玄胡索紅花桃仁牛膝木香二劑血下而
痊 一婦人小腹脹痛大便秘澀轉側有水聲脈洪
數此膿瘀內潰也以梅仁湯一劑下瘀血諸症悉退
再以薏苡仁湯二劑而痊 一婦人膿成脹痛小便
不利脈洪數此膿毒內潰也服太乙膏二錢膿下甚
多更以瓜萋散蠟礬丸及托裏散而安 如用雲母膏尤妙
一婦人產後惡血不止小腹作痛服瓜子仁湯下瘀
血而痊凡瘀血停滯宜急治之緩則腐化為膿最為
難治若流注關節則為敗症
薏苡附子散 治身甲錯腹皮急如腹脹本無積聚

內經 腸癰

外科二

百三九

身熱脈數者

附子 炮貳分

敗醬 伍分

薏苡仁 壹錢

右為末每服方寸匕以水貳合前頓服小便當下
三因薏苡附子同前敗醬用壹兩壹分每四錢水
蓋半煎七分去粗空心服

按此方乃辛熱之劑也若積久陰冷所致宜用丹
溪云身甲錯腹皮急按之濡如腫狀腹無積聚身
無熱脈數此腸內有癰積久陰冷所致故金匱有
用附子溫之即此方也

牡丹湯 治腸癰小腹腫痞按之即痛小便如淋時

時發熱自汗惡寒其脈遲緊者膿未成可下之當
有血洪數者膿已成不可下

牡丹皮

瓜蒌仁 各壹錢

桃仁 去皮尖

芒硝 各貳錢

大黃 伍錢

右作一服水貳鍾煎至壹鍾去滓入硝再煎數沸
不拘時服

按此乃破血之劑也如發熱自汗惡寒小腹作痛
小便如淋脈遲者有効丹溪云小腹腫痞按之痛
小便如淋或自調發熱身無汗復惡寒其脈遲緊
者膿未成宜下之當有血此內結熱所成也故金

匱有用大黃利之即此方也若無前證恐不宜用
亦有腹內脹痛脉滑數或膿已下或後重時時而
下宜用排膿散太乙膏蠟礬丸及托裏藥
薏苡仁湯 治腸癰腹中疔痛煩毒不安或脹滿不
食小便澀婦人產後虛熱多有此病縱非癰但疑
似間便可服

薏苡仁

瓜蒌仁各叁錢

牡丹皮

桃仁

各貳錢

右作二服水貳鍾煎至壹鍾不拘時服
按此方藥品和平其功且速常治腹痛或發熱或

脹滿不食水道澀滯產後多有此證或月經欲行
或行後作痛尤效

牡丹散 治腸癰冷證腹濡而痛時時利膿

牡丹皮

人參

天麻

白茯苓

黃芪

木香

當歸

川芎

官桂

桃仁

去皮炒各
柒錢半

白芷

薏苡仁

甘草

炙各
伍錢

為細末每服叁錢用水壹鍾煎至柒分食前温服
梅仁湯 治腸癰裏急隱痛太便秘澀

梅核仁

肆拾玖粒
去皮尖

大黃

叁兩

牡丹皮

壹兩柒錢半

芒硝

貳兩半

冬瓜仁

肆兩

犀角

鎊壹兩半

右剉如麻豆大每服伍錢水貳盞煎至壹盞去滓
溫服以利下膿血三兩行為度

大黃湯

治腸癰少腹堅硬腫大如掌而熱按之則

痛其上或赤或白小便稠數汗出增寒其脉遲

緊者未成膿如脉數則膿已成

大黃

剉炒

牡丹皮

硝石

研

芥子

桃仁

湯浸去皮尖雙
仁炒各半兩

右剉碎每服伍錢水貳盞煎至壹盞去滓空心溫

服以利下膿血為度未利再服

四聖散

一名神効
瓜蒌散

治腸癰癰疽生於腦髀背腋孔便

毒服之神効

生黃瓜蔓

壹枚
去皮

沒藥

研末
叁錢

乳香

研末
壹錢

右用好紅酒貳大碗慢火煎至壹碗分作兩服兩

日服盡大便順導惡物妙若乾瓜蔓則用兩枚

方若病在上食後服病在下食前服毒已結成即

膿化為冰毒未成即於小便中出疾甚再合服以

退為度

潰瘍
補例

郭氏瑞効丸 方見 腫瘍

雲母膏 治一切癰疽瘡癤折傷等證

蜀椒 去目及閉者微炒 白芷

沒藥

赤芍藥 肉桂

當歸

鹽花 菖蒲

麒麟竭

黃芪 白芨

芎藭

木香 龍膽草

白斂

防風 厚朴

麝香

桔梗 柴胡

松脂

人參 蒼朮

黃芩

乳香 附子

茯苓

良薑 合歡皮 各伍錢

硝石

甘草 雲母 各肆兩

桑白皮

槐枝 柳枝

柏葉

水銀 以絹另包待膏成以手細彈在上各養膏母

陳皮 各貳兩

清油 肆拾兩 黃丹 貳拾兩

右除雲母硝石麒麟竭乳香沒藥麝香鹽花黃丹
八味另研外餘藥並細切入油浸七日文火煎以
柳枝不住手攪候匝沸乃下火沸定又上火如此
者三次以藥黑色為度去粗再熬後入丹與八味

白濁 馬瘡 小兒

未仍不住手以槐柳枝攪滴水中成珠不軟不硬
為度磁器收貯候溫將水銀彈上用時先刮去水
銀或服或貼隨宜用之其功甚大也
排膿散 治腸癰小腹脹痛脈滑數或裏急後重或
時時下血

黃芪 鹽水拌炒

當歸 酒拌

金銀花

白芷

穿山甲 蛤粉炒

防風

連翹

瓜蒌 杵

甘草 各壹錢

作一劑水貳鍾煎捌分食前服若膿將盡去穿山
甲連翹加當歸川芎或為末每服參錢食後蜜湯

調下亦可

神仙蠟礬丸

治腸癰內托神妙不問老幼皆可服

之無不効最止疼痛不動臟腑

黃蠟 半兩要黃色者方用

白礬 壹兩要通明者細研

右溶化黃蠟和礬為丸如梧桐子大每服貳拾丸
漸加至叁拾丸食遠用溫白湯送下

胃脘癰素問帝曰人病胃脘癰者診當何如岐伯曰

診此者當候胃脈其脈當沉細沉細者氣逆

逆者人迎甚盛甚盛則熱人迎者胃脈也逆而盛

則熱聚於胃中而不行故胃脘為癰也

薛聖

內經 胃脘癰

濟總錄云胃脘癰由寒氣隔陽熱聚胃口寒熱不調故血肉腐壞以氣逆於胃故胃脉沉細以陽氣不得上升故不迎熱盛令人寒熱如瘧身皮甲錯或咳嗽或嘔膿唾血若脉洪數膿成也急排之脉遲緊瘀血也急下之否則其毒內攻腐爛腸胃矣丹溪先生云肉疽者因飲食之毒七情之火相鬱而發用射干湯主之愚常以薏苡仁湯牡丹皮散太乙膏選用之亦效若吐膿血飲食少思助胃壯氣為主而佐以前法不可專治其瘡一男子寒熱作渴不時咳吐口內血腥又五日吐膿身皮甲錯用射干湯四劑膿血已

止但氣壅痰多以甘桔湯而愈一男子用射干湯之類將愈但氣喘體倦發熱作渴小便頻數此肺氣不足用補中益氣山藥山茱麥門五味時仲夏更以生脉散代茶飲而愈一婦人素食厚味吐膿已愈但小便淋瀝此肺腎氣虛用補中益氣加麥門五味及加減八味丸而愈若膏粱之人初起宜用清胃散射干湯治胃脘癰人迎脉逆而盛嗽膿血榮衛不流熱聚胃口成癰

- 射干 去毛
- 梔仁
- 赤茯苓 去皮
- 升麻 各壹兩
- 赤芍藥 壹兩
- 白朮 半兩

右為末每服伍錢水貳盞煎至壹盞去渣入地黃汁壹合蜜半合再煎溫服不計時候
復元通氣散精要治諸氣澁耳聾腹癰便癰瘡疽無頭止痛消腫

青皮

陳皮 各肆兩

甘草 叁丁生熟各半

穿山甲 炮

瓜蒌根 各貳兩

金銀花

連翹 各壹兩

右為細末熱酒調下

芍藥湯 治胃脘積熱結聚為癰

赤芍藥

石膏

犀角 鎊

麥門冬

薺苳

木通 各貳兩

朴硝

升麻

玄參

甘草 生各壹兩

右咬咀每服伍錢水壹盞半煎捌分去滓不拘時溫服

心癰涼血飲 卽引兵先鋒方治心肺有熱或作寒

熱口乾好飲水渾身疼腹內作熱頭面赤色

內托散 卽前鋒止將方治同上兼用數角洗貼

已潰多服加味十奇散 以上並見傷門

腎癰八味丸 治腎虛嗜慾過度外挾寒邪發為癰

腫不可施以涼劑宜服 方見潰瘍門

加味十奇散 治同上兼用葱白橘葉樹葉豬蹄湯
淋洗仍貼金絲膏方見前
腫瘍門

疔瘡

疔瘡者以其瘡形如丁蓋之狀而得名皆生頭面四肢發黃疱中或紫黑必先癢後痛先寒後熱凡人一二日間惡寒發熱四肢沉重心忪眼花頭疼體痛稍異如常之證須宜徧身尋認如有小瘡與嘗患之瘡稍異即是疔也太抵起紫疱者多起堆核者少發於手上者多發於別處者少生兩足者多有紅絲至臍生兩手者多有紅絲至腋生唇面口內者多有紅絲入喉以鍼刺瘡不痛無血是其候也經云膏粱之變足生大疔大抵多由恣食厚味卒中飲食之毒或感

四時不正之氣或感蛇蟲之毒或感疫歿牛馬猪羊之毒或人汗入肉而食之皆生疔瘡各宜審而治之若嘔逆直視譫語如醉者不可治矣又有內疔一證與外疔之證大同但瘡形不現過數日間有一處腫起者卽是內疔所發之處但腹痛甚者便須作內疔治之不可緩也緩則殺人 華元化云疔有五色屬五臟紅屬心發於舌根青屬肝發於目下黃屬脾發於口唇白屬肺發於右鼻黑屬腎發於耳前以種類言之千金方外臺秘要神巧萬全方皆稱一十三種治不止也 麻子疔狀如麻子而稍黑四邊微赤多

痒少痛忌食麻子油衣麻衣并入麻田中行穿麻布人^上火疔發於頂門或發於面身熱如火狀如湯火燒灼瘡頭有黑鬚四邊煙焰又如赤粟米忌火灸燒鍼烙 脾疔生於脣四白 胃疔生於眉 髭疔生於髭中 龍泉疔生於脣上 虎鬚疔生於脣下 魚尾疔生於眼角外 顴骨疔生於顴骨上亦名赤面疔其狀色白頂陷如錢孔鼻有紫色者大凶 耳疔生於耳中亦名黑疔連腮赤腫 鼻疔生於鼻內痛引腦門不能運氣鼻如大瓶黑色者不治 頰疔生於面頰骨尖高處 氣疔形如氣泡感怒而生

腐疔色白有胞二三日內頂陷狀如初灸瘡因夏月造豆腐時人汗滴於內食之而生忌食豆腐鬼疔因中陰邪之毒而生瓜藤疔延蔓無數忌瓜田中行石疔皮肉相連堅韌如石刺之不入肉微痛忌砂礫鹽膚疔大如匙面四邊皆赤有黑點如粟粒起忌食鹹物水洗疔狀如錢形或如錢孔瘡頭白裏黑膿汁出而中鞭極癢透骨搔則快然忌水洗渡河及飲漿水浮漚疔其狀圓曲少許不合長而狹如薤葉大肉黃外黑黑處刺不痛黃處刺則痛三十六疔其狀頭黑浮起形如黑豆四畔起大赤色今日

生一明日二後日三乃至十若滿三十六藥所不能治未滿者可治俗名黑炮忌噴怒畜積愁恨猪疔形圓而小瘡口內有油羊疔形長而白色牛疔形圓而小瘡內無油炮起指不破有寒熱狗疔色赤而長或帶尖與牛疔同無忌不殺人驢馬疔其狀三角頂上有黑點根脚有赤色或突起水疔狀如水泡因飲隔宿水而生忌飲水臍疔生於臍脇疔生於脇刀鎌疔狀如薤葉長寸許肉黑如燒烙忌刀鍼暗疔生兩腋下而無頭但腋下堅韌四肢拘急寒熱大作陰囊腫痛辜丸附生突兀如疔寒

熱併作亦名暗疔。寸疔生手指骨節間。虎口疔生谷谷穴。魚臍疔狀如魚臍。茱萸疔中凹邊突。蛇眼疔頭黑皮浮形如小豆狀似蛇眼忌惡眼看。并嫉妬人見之及觸毒藥。紅絲疔一名血箭疔一名赤疔一名紅演疔生於舌根下或生頭面或生手足骨節間其證最急宜迎其經刺出惡血則愈稍遲毒氣攻心嘔噦迷悶者或若絲近心腹者就於絲盡處刺出惡血更挑破初起瘡頭以泄其毒。芝麻疔走注不定徧身疼痛不能轉側。爛疔潰出膿水大如匙面色稍黑有白斑忌沸湯熱食爛物。雌疔瘡

頭稍黃向裏壓赤似灸瘡四面炮漿起心凹色赤大如錢孔又有一枚在他處以水噴之則見大忌房事。雄疔其狀頭黑壓突起四畔仰炮漿起有冰出色黃大如錢孔忌房事。黃疔有眼在皮發如齒齦之色手足麻木涎出不語者死。黑疔狀如黑炮。櫻桃疔狀如櫻桃。蛇頭疔生手指頭兩旁狀如蛇頭甚腥穢紫黑色痛引心有潰爛脫落者。足面疔狀如粟米痒極入骨急隔蒜灸之。大抵如豆如白如箔金如茱萸如石榴子或發疹搔破而青黃赤色汁出或衣物觸着而疼痛忽生或白而腫實或赤而浮

虛其狀不一初覺頂不起者急隔蒜灸之灸而有胞者吉無胞者凶服汗劑得汗則生無汗則死刺出紫血者危出黑血者死緩者一日瘡頂胞色微白二日胞色大白三日色微紫四日色真紫皆緩之候也急者五日色微青小緊六日色深青大緊七日色黑其形如魚臍或如灸瘡之狀皆急之候也凡生疔瘡身熱頭疼手足溫和飲食如常疔之四圍赤腫名曰護場可治凡生疔瘡眼白睛癢不轉渴欲飲水內熱瘡盛唇舌青臥牀不能起五心腫頭暈眼花氣壅食不進脈伏譫語惡心腹痛冷汗出手足冷滑

泄無度疔之四圍無赤腫名曰不護場不可治瘡證急者有應如生一疔之外別處肉上再生一小瘡卽是有應可用鍼挑破護場瘡四圍有赤腫生多瘡者謂之滿天星飲食如常頭痛身熱手足溫瘡證凶者無應別處肉上無瘡不護場疔四圍無赤腫腹痛甚者有肉疔若毒入心腹眼黑如見火光煩悶嘔逆恍惚癡眠瞳人不動赤脈貫睛胸脇赤腫瘡陷不起發皆死候也凡疔瘡必有紅絲路急用鍼於紅絲所至之處出血及刺疔頭四畔出血若鍼之不痛或無血者以鍼燒紅頰烙患處以痛爲度若下部所

患多宜隔蒜灸之痛則灸至不痛不痛則灸至痛若
灸之而不痛者宜明灸之及鍼疔四畔出去惡血却
以稜鍼深刺破疔頭瘡口用海馬拔毒散敷之或雄
礬丹敷之待疔四圍發黃炮浮腫知痛為佳若疔未
發用火鍼四畔亂刺如有紅絲脉盡處亦以火鍼三
向刺斷。如此樣刺了即敷藥若疔不痛不發
者用艾火於疔瘡上灸之三壯候瘡邊起黃炮發後
方可貼膏藥凡疔腫皆刺中心至痛又刺四畔令出
惡血去血傳藥藥氣入鍼孔佳若不鍼透瘡內不得
力也若起紫疱初然切不可鍼破服藥趕出炮自破

出血水為妙若服藥炮又不破方以鍼挑破無妨若
起紫炮腫痛者以萬病解毒丸外塗內服若成膿不
乾者以米醋調鐵鏽金之自然凸出膿水即乾。多
有患此不覺而暴斃者用燈照看徧身有小瘡即是
疔毒宜灸瘡處候甦更服敗毒藥并追疔奪命湯若
肉疔之證用化毒丸置舌上含化出涎或只用蟾酥
一粒重者二粒置病人舌上含化化後良久用井水
漱去毒涎為妙若牙關緊急及喉內患者並宜含蟾
酥丸或朱墨丸良久用井水漱去更宜服一丸少停
又服二丸又服奪命丹或雄黃丸通利一行得利為

度又用霹靂火汗之再用前藥調之或初生一箇次
生二箇逐漸流注者急將初生者用鐵筒拔毒膏點
破消蝕惡肉卽不流注却以油髮蛇退土蜂房皂角
刺各另燒存性等分白芨減半爲末揆之以平瘡口
此卽前所謂三十六疔者也其魚臍疔瘡頭深黑破
乏黃水滲出四畔浮漿其毒尤甚通用前法及服萬
病解毒丸以清心行血 治法表實者宜解表以荆
防敗毒散追疔奪命湯初發之時必發熱身疼此乃
毒氣在表故發表則毒從毛腠而出 裏實者宜攻
裏以救命追黃湯連翹攻裏散表證皆罷毒氣入裏

口渴便秘毒在內也故攻裏則毒從臟腑而出 表
裏俱實者宜解表和裏以化毒消腫和裏散加紫河
車獨脚蓮紫金藤苦花子其證發熱身疼口渴便秘
乃表裏俱見故攻發並用也 腫勢盛脉浮數者宜
散之蟾酥丸返魂丹 毒勢盛脉沉實者宜下之奪
命丹萬病解毒丸 無表裏證服散毒消毒藥後以
復元通氣散加麝香少許 虛弱人以五香連翹湯
合十宣散稍虛者只以人參敗毒散按五香連翹湯
乃溫熱走竄之 疔毒拔出用金銀白芷散十
宣散調理未潰者不須此藥 初發惡寒發熱或拘

疔毒

卷之二

百五十三

急或頭疼或寒熱交作或肢體重痛或大便秘結宜以敗毒散加防風荆芥連翹黃芩青木香金銀花天花粉大黃生地黃若無惡寒但發熱者可服劫瘡消毒散十神散萬全散若表證皆罷毒氣入裏者可用雄黃丸 怯弱之人不可用峻利藥攻之宜隔蒜灸五十壯以人參敗毒散數劑若生道遠位僻之處非峻利則藥力不到若以峻利則胃氣先傷虛虛之禍有所不免不若灸之為宜 疔瘡四畔紅赤漸散開闊走亂不止此名疔瘡走黃宜以通聖消毒散通利兩三行次去大黃朴硝調理而愈或解毒消瘡散亦

可用之有效此宜作瘡氣治之無誤 疔瘡腫硬脉數煩燥喜冷口渴便秘宜以連翹攻裏散壹服次用蟾酥丸若無有表邪者以荆防敗毒散加金銀花天花粉大黃連翹脉實有熱更加黃連黃芩或只加苦花子退熱治瘡之妙藥也 若因剝割疫歿牛馬豬羊齧悶身冷遍體俱有紫泡此疔毒也急灸泡處良久遂甦卽以人參敗毒散加防風荆芥投之 若忽然惡寒作嘔肩臂麻木手心瘡癢遂齧悶不自覺知但有一泡此疔毒也急灸五十壯而甦又五十壯知痛投以荆防敗毒散而愈古人謂暴死多是疔毒急

用燈照遍身若有小瘡紫泡異常者卽是急灸其瘡
但是胸腹溫者可救 若因開割瘡久牛馬豬羊之
毒或食其肉致發疥毒或在手足或在頭面或在胸
腹或在脇肋或在背脊或在陰脰或起紫泡或起堆
核腫痛創久發熱煩悶頭疼身痛骨節煩疼先用天
馬奪命丹次用四神丸解毒消瘡散次以七神散又
以萬病解毒丸劫瘡消毒散兼服朱墨丸并用祛瘡
散多用毛屎梯根磨水服或仙人薯根磨水服如不
熱磨酒服太熱不退者宜用退熱消毒飲又要以糞
瘡散鋪住不使走亂又以洗瘡散淋洗次以刷瘡散

塗刷若成瘡以按瘡散按之好膏藥貼之 若患疥
瘡始初不覺不曾用前法出汗過數日外證皆罷或
在胸腹之間或在胸之下腫起此乃毒氣入裏所致
用霹靂火治之若服當歸散外證不解者亦急用霹
靂火發散 若疥瘡在兩脇間毒氣欲奔心乃危急
之證也可急於瘡尖上用艾炷灸三五壯仍於灸穴
前後左右鍼出少血灸瘡四圍有胞起吉無胞凶若
疥在虛軟不便處不可用鍼只可用松鍼法針斷紅
絲路若生兩脰間毒氣欲奔腎者用松鍼法於兩脰
紅絲路盡處針斷出血若生頭面上者可於項間紅

絲路盡處針斷出血若各處紅絲路亦有不現者亦
可以消詳用松針法針之凡用松針者蓋因紅絲路
不現無可下針故用此法於項下脇下腋胛處輭之
處針斷紅絲路不使毒氣攻心攻腎而已 若手足
厥冷六脉俱絕者此毒氣已深氣血爲毒氣所併不
能通流故體冷而脉不見宜木香流氣飲連進數服
氣血通流脉自回矣然後依法治之萬不失一 內
疔之證與外疔並同亦發寒熱頭疼身痛但瘡形不
現不過數日胸背腹脇頭面手足間或有一處腫起
卽內疔所發之處急用霹靂火如前不護場汗法於

腫處出汗若身體寒熱雖未有腫起但腹痛甚者便
須作內疔證用後法治之不可緩也 治內疔蟾酥
須於取時用桑葉小錢大入蟾酥搗和得所丸如珍
珠大陰乾用

治驗

張嗣伯嘗聞屋中呻吟聲曰此勞甚重乃往
視之見一老姥稱體痛而處處有黯黑無數張還煮
斗餘湯送令服之服訖痛勢愈甚跳投牀者無數須
臾所黯處皆拔出釘長寸許以膏塗瘡口二十日而復
云此名釘疽也 羅謙甫曰丙午歲予居藁城人多
患疔瘡縣尹董公謂予曰今歲患疔瘡者極多貧民

無力醫治近於史侯處得數方用之者無不效官給藥錢君當捨羊治之遂諾其語董公榜示通衢命予施藥如此一年全活甚衆其用保生錠子千金托裏散神聖膏藥破棺丹凡四方 郭氏治一婦年近六十右耳下天聰穴間患一疔瘡其頭黑靨四邊泡起黃水時流渾身麻木發熱譫語時時昏沉六脉浮洪用烏金散汗之就以鈇針先刺瘡心不痛周遭再刺十餘下紫黑血出方知疼痛就將寸金錠子緝入瘡內外用提丁錠子放於瘡上膏藥貼護次日汗後精神微爽却用破棺丹下之病即定其疔潰動後用守

効散貼塗紅玉錠子緝之八日其疔自出矣茲所謂審脉證汗下之間治以次第如此視彼不察脉證但見發熱譫語便投涼藥與下或兼以香竄之藥遂致誤入者徑庭矣 薛已治一婦左手指患疔麻癢寒熱惡心左半體皆麻脉數不時見曰凡瘡不宜不痛不可大痛煩悶者不治今作麻癢尤其惡也用奪命丹二服不應又用解毒之劑麻癢始去乃作腫痛薛曰勢雖危所喜作痛但毒氣無從而泄乃針之諸證頓退又用解毒之劑而瘥 蘇庠盛原博掌後患疔紅絲至腕惡寒發熱勢屬表證與奪命丹一服紅絲

頓消又用和解之劑大勢已退彼又服敗毒藥發渴發熱紅絲仍見脉浮大而虛此氣血受傷而然以補中益氣湯主之而愈蓋奪命既服瘡邪已散而復用敗毒之劑是誅伐無過失內經之旨矣 一儒者患疥元氣素弱薛補其氣血出膿而愈後因勞役瘡痕作癢乃別服敗毒散一劑以致口噤舌強手足搖探痰涎上湧自汗不止此氣血復傷而復瘳也用十全大補加附子壹錢灌服而甦 一男子患疥服奪命湯汗不止瘡不痛熱不止便不利此汗多亡陽而真氣傷矣用參芪歸朮芍防五味二劑諸證悉退惟以

小便不利為憂薛曰汗出不利小便汗止則陽氣復而自利矣仍用前藥去防風加麥冬倍用黃芩當歸四劑而便行瘡潰而愈 表甥居富右手小指患疥色紫或云小瘡針刺出血敷以涼藥掌指腫三四倍黯而不痛神思昏憤煩躁不寧此真氣奪而邪氣實也先以奪命丹一服活命飲二劑稍可薛因他往或徧刺其手出鮮血碗許腫延臂腕焮大如瓠手指腫數倍不能潰薛用大劑參芪歸朮之類及頰灸徧手而腫漸消但大便不實時當泄氣此元氣下陷以補中益氣加骨脂肉蔻吳茱五味大便實而氣不泄又

升瘡
外科
日以人參伍錢麥冬參錢五味貳錢水煎代茶飲之
又用大補藥五十餘劑而漸愈此證初若不用解毒
之劑後不用大補之藥欲生也難矣 一人年二十
唇患疔四日矣有紫脉自瘡延至口內將及於喉薛
曰此真氣虛而邪氣實也若紫脉過喉則難治矣須
針紫脉併瘡頭出惡血以泄其毒則可乃別用解毒
之劑頭面俱腫求治甚篤薛曰先日之言不誣矣診
其脉洪數按之如無口內腫脹針不能入為疔面與
唇出黑血碗許勢雖少退略進湯終至不起 都憲
張恒山左足指患之痛不可忍急隔蒜灸三十餘壯

卽能行步欲速愈或用涼藥敷貼遂致血凝肉死毒
氣復熾再灸百壯服活命飲出紫血毒纔得解脚底
通潰腐筋爛肉甚多將愈誤用生肌藥反助其毒元
氣虧損而不能愈薛治以托裏藥喜其稟實客處二
月餘方愈大凡疔患於肢節灸法有回生之功設投
以涼劑收斂腠理隧道壅塞邪氣愈甚多致不起若
毒未盡驟用生肌輕者反增潰爛重者必致危亡
一男子足指患疔腫焮痛赤用隔蒜灸人參敗毒散
加金銀花白芷大黃一劑痛止又用十宣散加天花
粉金銀花去桂數劑而愈 濮陽傳云萬曆丁亥金

臺有婦人以羊毛徧鬻於市忽不見繼而都人身生
 泡瘤漸大痛死者甚眾瘤內惟有羊毛道人傳一方
 以黑豆蕎麥為粉塗擦毛落而愈名羊毛疔
 荆芥敗毒散方見腫瘍加菊花葉妙鮮者搗汁入藥尤良
 治疔瘡

黃連

羌活

青皮

白殭蠶

防風

獨活

蟬蛻

細辛

赤芍藥

甘草節

獨脚茅各等分

右吹咀每服伍錢先將壹服入澤蘭葉少許薑拾

錢重同搗爛熱酒和服然後用酒水各半盞薑參
 片煎服病勢退減後再加太黃少許煎服畧下一
 二行蕩去餘毒更用白梅蒼耳子研爛貼瘡上拔
 去根脚

二活散

羌活

獨活

當歸

烏藥

赤芍藥

金銀花

連翹

天花粉

甘草節

白芷各肆錢半

紅花

蘇木

荆芥

蟬蛻

乾葛各叁錢

檀香 貳錢

右為細末每服參錢煎蒼耳湯調下

奪命丹 治疔瘡發惡心及諸惡瘡

蟾酥 乾者半 錢酒化 硃砂 水飛 參錢 輕粉 伍分

枯礬 寒水石 水飛各 壹錢 銅綠 壹字

麝香 壹字 海牟 貳拾箇研即蝸 牛也不用亦效

右件為細末將海牟另研為泥和藥一處丸如棗豆大如丸不就加好酒成之病輕者壹丸貳丸重者叁丸未效再服服時嚼葱白一大口極爛置手心放藥丸於葱內裹合以熱酒送下暖處臥取汗

出為效忌冰水薛氏銅綠麝香沒藥乳香各壹錢

返魂丹 瑞竹 治十三種疔

硃砂 壹錢 膽礬 各壹兩半 血竭

銅綠 蝸牛 生用 雄黃

枯白礬 各壹兩 輕粉 沒藥

蟾酥 各半兩 麝香 少許

右將蝸牛蟾酥研爛餘藥為細末同研和丸如鷄頭大每服壹丸令病人先嚼葱白叁寸吐在手心將藥丸裹在葱白內用熱酒壹盞吞下如重車行五里許有汗出即瘥如不能嚼葱研爛裹下極効

又返魂丹 經云汗之則瘡愈必用此藥汗之

乳香 沒藥 辰砂

雄黃 各壹錢半 輕粉 片腦

麝香 各伍分 海芋 即蝸牛也 不拘多少 蟾酥

青黛 粉草 硃砂 各壹錢

右為細末用海芋搗膏為丸如難丸加酒麪糊些少丸如彈子大每服壹丸無生葱頭二三箇細嚼嚥下疔腫及癰腫毒氣入膈者得微汗即解一方加銅綠寒水石輕粉枯礬各壹錢重

飛龍奪命丹 治疔瘡發背腦疽乳癰疽附骨疽

切無頭腫毒惡瘡服之便有頭不痛者服之便痛已成者服之立愈此乃惡證藥中至寶病危者服之立可矣萬無一失此乃家傳之秘方一生受用不敢輕洩神速之驗即愈立効

輕粉 腦子 無亦可 麝香 各半錢

血竭 膽礬 寒水石 各壹錢

蟾酥 乾者酒化 乳香 沒藥

硃砂 為衣 銅綠 各貳錢 雄黃 叁錢

蝸牛 貳拾壹箇 無亦效 蜈蚣 壹條 酒炙 去頭足

右為細末先將海芋連殼研為泥和前藥為丸如

菘豆大如丸不就入酒打麩糊為丸每服貳丸先用葱白三寸令病人嚼爛吐於手心男左女右將藥丸裹在葱白內用無灰熱酒參肆盞送下於避風處以衣蓋覆之約人行五里之久再用熱酒數杯以助藥力發熱大汗出為度

初覺貳丸即消如汗不出重者再服貳丸汗出即効三五日病重者再進貳丸即愈如疔瘡走黃過心者難治之汗出冷者亦效矣如病人不能嚼葱搗碎裹藥丸在內熱酒送下瘡在上食後服瘡在下食前服服此藥後忌冷水黃瓜茄子油豬雞魚

肉濕麩一切發風發瘡毒類之物不可食之又忌婦人洗換狐臭百發百中此藥活人多矣
走馬赴筵丹 治疔瘡

沒藥

乳香

硼砂

礞砂

雄黃

輕粉各參錢

片腦壹分

麝香少許

右為細末蟾酥汁和為丸如黃米大每服壹丸溫酒送下

救生丹 治諸種疔瘡眼內火光出昏迷不醒
右於二月辰日採桑葉荆葉用竹針穿成孔用紙

裹封固，陰乾。至端午日，研為細末，用蟾酥和為丸，如小豆大。用時，再以雄黃同藥壹丸，研細放舌中，汗出効。

右奪命返魂等方，皆蟾酥雄硃等攻毒之藥，非發汗藥也。而能發汗者，乃追逐毒氣從腠理而出為汗故也。

羅氏破棺丹 治瘡氣入腹危者

大黃 貳兩半生半熟半

甘草

芒硝 各壹兩

右為細末，煉蜜丸如彈子，每服半丸，食後溫酒化下，或童溺半盞研化之，忌冷水。

脈沉實著下之

又破棺丹

一方有當歸赤芍連翹牡蠣金銀花紫花地丁宜選用之

山梔

牽牛末

大黃 各壹兩

甘草

京三稜 炮各茶錢

右煉蜜丸如彈子，大酒化服之。

內托連翹散 疔瘡出時皮色不變及不疼痛按搖不動身發寒熱便是此瘡有水疔魚臍疔紫燕疔火疔諸般疔瘡如瘡黃於黃上用針刺仍服內托散自然消散。

連翹

白芷

生地黄

赤芍藥 各壹兩

大黃 去皮

黃梔 去頂

薄荷葉各半錢

朴硝貳兩

黃芩去心半兩

甘草壹兩半

右為麤末每服壹兩水壹碗燈心竹葉煎茶分其人喘加入參少許大病只參厚服愈如服了心煩嘔用不二散止之

甘草半兩

菘豆粉壹兩

右為末分作貳服酸螯水下

奪命丹 治疔瘡大便秘實不通者或心腹痛者

巴豆去殼

大黃各壹錢

鬱金

雄黃

乳香各伍分

硃砂

黃丹各叁分

輕粉貳分

麝香少許

蟾酥不拘多

右末麪糊為丸如菘豆大隨虛實服之茶清送下伍柒丸至玖丸止以利為度如無此丸以雄黃丸代之

雄黃丸 治證如前

巴豆拾肆粒

麝香少許

全蠍

牙皂

雄黃

大黃

鬱金各壹錢

右末米糊丸如菘豆大硃砂為衣每服伍柒丸茶

清送下以利為度

追毒丸

海浮石

燒赤醋焙
柴次半兩

沒藥

各壹錢

巴豆

肆拾粒

乳香

川烏

壹兩

右為末醋糊丸如桐子大若患二三百服拾丸五
六日服拾肆丸隨病上下服之先喫冷酒半盞或
壹盞又用冷酒吞下如嘔吞之不妨出藥依上服
乏病人大便不動再用參丸如疔看得端的爪破
用頭垢留患處後服藥

五聖散

治疔瘡

皂角鉞

貳兩

栝萼

壹箇

大黃

金銀花

生薑

甘草

各壹兩

右咬咀用好酒貳升同煎至捌分去粗不拘時温
服

奪命返魂散

治一切疔瘡增寒發熱昏悶不語腫

徧皮膚不思飲食

大黃

連翹

山梔子

已上各
貳錢半

細末

巴豆

杏仁

各貳錢
皮同炒黑

細末

人言

伍錢用大蒜伍箇去心
入人言同燒過性研為末

牽牛頭末

苦丁香

各壹錢

丹毒 外科 百五

右為細末研勻每服半錢病重者服壹錢用新汲井花水調下壹服見效如病重無脉者喫下藥約一頓飯時吐了藥便醫不得吐不了藥即活立馬回疔奪命散 治疔瘡及喉痺乳鵝腫痛大效

牡蠣

當歸

牛蒡子

白殭蠶各半兩

大黃壹兩

右吹咀每服半兩用青石磨刀水酒各壹盞煎去

滓連進貳服疔瘡服後出汗者生無汗者死

御史散 治疔瘡

生鐵銹參錢

為末木香磨酒調下分病上下食前食後服之得微汗而愈

愚按此方乃秘法也未嘗試用常治疔瘡有赤絲攻心腹者用鐵銹參錢牡蠣貳錢青鹽壹錢為末挑破瘡頭以燈盞內油調搽其絲自回名喚回丹但未用服考之本草云鐵鏽生鐵上衣也治惡瘡疥癬蜘蛛等咬蒜磨敷之亦未云服家藏方用猫兒眼草壹擔細切以水擔餘浸貳日煮百餘沸去粗取汁煎至參肆碗用生鐵鏽細研末參兩徐徐入汁內以鐵杖不住手攪再煎至貳碗許成膏子

治一切癰疽瘡毒甚效癰癰潰後塗瘡內尤效

防風通聖散腫瘍

加減通聖散

治疔瘡瘰癧氣紫游風等證

表裏俱實者解表攻裏

防風

荆芥

連翹

赤芍藥

當歸

川芎

桔梗

黃芩

梔子

甘草

青木香

玄參

牛蒡子

大黃

芒硝

紫金皮

鷄屎子

詐灰子

谷藤根

芙蓉根

嫩柏根

青玉叉

右薄荷生地黃煎服

追疔奪命湯 秘方速效能內消腫

羌活

獨活

青皮多用

防風多用

黃連

赤芍藥

細辛

甘草節

蟬蛻

殭蠶

脚連即雞爪黃連各等分加河車

澤蘭

金銀花

有膿加

何首烏

白芷

要利加

青木香

大黃

牽牛

在脚加

梔子

木瓜各等分

右咬咀每服伍錢先將壹服加澤蘭少用葉金銀花各壹兩生薑拾片同藥搗爛好酒釀之熱服不喫酒者水煎為妙然後用酒水各壹盞半生薑拾片煎至熱服汗出為度病退減後再加大黃貳錢煎至熱服再以利壹兩次去餘毒為妙此方以藥味觀之甚若不切然效速於神驗萬無一失累用累効如有別證再出宜隨證加減治之速効若心煩嘔吐加甘草節壹錢 豆粉酸漿水

嘔逆惡心加

乳香

豆粉甘草湯

加減追疔奪命湯

治疔瘡及癰疽發背惡瘡嫩赤

腫痛創人或紫游風赤游風並大効

防風

赤芍藥

連翹

羌活

獨活

細辛

青皮

殭蠶

蟬蛻

青木香

甘草節

金銀花

紫河車

獨腳蓮

右生薑澤蘭生地黃煎服 病勢退減加大黃取利下參伍行去太黃

防風當歸湯

治疔瘡發熱大便實者

金銀花

山茨菰

青木香

當歸

赤芍藥

白芷

防風

荆芥

連翹

升麻

羌活

獨活

甘草

大黃

右薄荷生地黃煎服

雄麝湯

解疔毒如神凡解毒不可無雄黃硃砂

雄黃

硃砂

麝香

乳香

白芷

茜草根

真菘豆粉

地丁草

牡蠣

殭蠶

牛蒡子

大黃

金銀花

青木香

梔子

荆芥穗

朴硝

甘草

胡桃

貳箇去殼膜

右以白芷以後拾肆味細切用無灰酒壹碗浸少時搗細又加水壹碗同煎至壹碗去粗及濁脚入前雄黃等伍味調勻作壹服更審慮處經絡分野依東垣引經瀉火藥加之尤妙欲利倍加大黃朴硝貳味臨後下茜草即過山龍地丁即太薊也

治瘡
解毒

解毒消瘡散

治疔瘡瘰癧氣發熱者

一云剪刀草開黃花者名黃花地丁開紫花者名紫花地丁

柴胡

黃芩

黃蘗

梔子

赤芍藥

當歸

連翹

大黃

青木香

紫金皮

詐殂子

青王叉

苦花子

嫩柏根

右薄荷生地黄煎服

劫瘡消毒散

治瘡氣腫痛發熱者及因剝割瘡成

牛馬豬羊而中其毒者或因食瘡殂之肉而中其毒者先服加減通聖散通利大便次服此藥

百丈光

即天瓠又名土人參

苦花子

金腦香

即杜茶根梗葉俱可用

大小青

紫金藤

生藍葉

水圻根

烏苞根

嫩柏根

青王叉

山烏豆

鷄屎子

晚祥西

狸咬柴

土木香

臭木待根

右薄荷煎服

腫勢甚加水金鳳水苦薺手足

行營

小料三

類上

拘攣加鈞鈞藤根梭婆子根發熱加吉面消毛
厥根小使不通加木通梔子

青黃消毒散 治疔瘡瘰氣服涼藥過劑沉而不發
不退者雄黃

雄黃 研

大小青各壹兩

八角茴香

伍錢

右末陳酒調服又以醋和米泔塗患處一日服三
次

四神丹 治因剝割瘡歿牛馬豬羊不避其氣以中

其毒或因食瘡歿牛馬豬羊之肉者或手足各處
發疔毒或起紫泡或起堆核初則創入次漸腫大

疼痛不可忍昏悶發熱口渴心煩四肢強痛頭目

昏花一切瘡毒並皆治之先服此藥次服劫瘡消

毒散

苦花子

又名毛蓮子又名小葉金雞舌梗葉俱用

土木香

根名青木香梗

名天仙藤花名馬兜鈴

仙人薯

用根新鮮生者為妙乾者次之各貳兩

晚蠶砂

右剉碎糯水和者糝汁冷服熱極加芭蕉心小便

不利加琉璃草又名耳環尻搗和前藥服之

七神散 治因剝割瘡歿牛馬豬羊以中其毒者或

因食瘡歿牛馬豬羊之肉而中其毒者或因蛇傷

之毒者

苦花子

紫金藤

金腦香

大小青

仙人薯

土木香

百丈光即土人參

右薄荷煎去粗上碗調雄黃末服

萬全散 治瘡氣時毒疔瘡蛇犬咬等證

嫩柏根

水圻根

狸咬柴

烏苞根

青王叉

生藍葉

溪楓根

穿山蜈蚣

右薄荷煎服及調雄黃末服或合七神散更妙

七聖紫金錠

治疔瘡瘴氣時毒等證

土木香

苦花子

仙人薯

晚蠶砂

柏花各壹兩

硃砂

雄黃各叁錢

右末秫米糊為丸以毛屎梯根磨水化下

硃墨丸 治疔瘡瘴毒

硃砂

京墨各等分

右末以蟾酥汁為丸如梧桐子大每服貳丸以葱

白煎湯吞下日服壹貳次

祛瘴散

治疔瘡瘴毒蛇傷熱腹痛熱喉風並効驗

如神

苦花子

又名苦花椒

右搗水服夏月冷服冬月温服

天馬奪命丹

治疔瘡蛇傷犬咬鼠咬

青木香

土者根梗俱可用

右末每服壹錢蜜水調下凡治瘴氣蛇傷不可缺此藥也

又方

土青木香

根梗葉同用生者佳

右搗水服夏月冷服冬月温服

萬病解毒丸

治疔瘡癰疽發背腫瘍時毒狐狸毒

鼠莽毒丹毒驚毒瘡毒風毒熱毒蟲毒河豚疫毒

牛馬猪羊毒蛇犬蜈蚣蜂蠍百蟲螫咬毒湯火所

傷中惡邪氣無名腫毒毒砒毒藥毒瘡毒光粉

毒輕粉毒一切邪熱之毒悉皆治之

麝香

貳錢

硃砂

伍錢

山豆根

雄黃

續隨子

取仁

紫河車

獨腳蓮

各壹兩

紅牙大戟

壹兩伍錢

山茨菰

貳兩

五倍子

叁兩

右末秫米糊和勻杵搗壹千餘下印作錠子隨意

疥瘡

外科

夏

大小每服壹錠井水磨化冬月用薄荷湯磨服日可進貳叁服

刷瘡散 治疥瘡瘡毒服藥後可用此藥刷塗

生藍葉

地薄荷

紫金藤

右搗米泔水暖刷患處次加蠶砂凌霄花鷄脰花二花如無以葉代之

揆瘡散 治疥瘡瘡毒潰爛成瘡

柏樹皮去外面麋皮側柏葉各等分

右細末以柏油先刷次揆末

洗瘡方

柏葉

朴葉

柳枝

連又葉

右煎水淋洗之

羅氏托裏散 治一切發背疥瘡

黃芪壹兩半

厚朴

川芎

防風

桔梗各貳兩

白芷壹兩

連翹貳兩貳錢

芍藥

官桂

甘草節

人參各兩

木香

沒藥

乳香

當歸各半兩

右為細末每服叁錢酒壹大盞煎貳叁沸和香溫

羅氏

疥瘡

外科

夏

服

治十三種疔皆以此法治之

以緋帛壹片裹藥取匝為限先用亂髮鷄子大攤布帛上牛黃如桐子大又以棘刺針貳拾壹枚赤小豆柒粒為末並布髮上捲緋綿作團外以髮作繩十字縛之置熨斗中急火燒灰研細以枸杞或子或根皮枝葉隨得為末用枸杞末貳七緋帛灰壹七共成叁七研勻分貳服空心溫酒調下

連翹黃芪湯 治疔瘡因食瘡死牛羊足生大疔如釘入肉痛不可忍者

金銀花

黃芪

當歸

連翹

甘艸

蜈蚣

壹條去頭足酒炙

右生薑煎服

治疔瘡陰證脉沉四肢冷瘡不發

右用五香散去大黃加蒼耳蓮肉酸棗仁藿香茯苓黃芪肉桂當歸防風白芷附子生薑半水半酒煎服以發藥性 如潮熱皮膚受毒加生大黃此胡地骨皮 如嘔逆脾胃受毒加丁香 如喘嗽肺經受毒加杏仁去皮尖知母秦艸紫苑 如眼花心經受毒加硃砂雄黃麝香 如脚冷腎經受毒

加木瓜牽牛並鹽炒如發渴自汗肝經受毒加黃
芩山梔如大小便秘腹脹滿加枳殼炒木通苦
葶藶大黃生用

治疔瘡陽證潮熱心間霍亂或譫語六脉洪大

右用五香散熱不退而渴用不二散蛇牀子大黃

生為末以冷酒或冷水調貳錢止貳服使微利

治

羅氏保生錠子 治疔瘡背疽癰癤一切惡瘡

金脚信

輕粉各貳錢

雄黃

礪砂各叁錢

麝香壹錢半

蟾酥壹錢

巴豆肆拾玖粒另研文武火炮生用九妙

右為細末用黃蠟伍錢溶開將藥和成錠子冷水
浸少時取出旋丸捏作餅子如錢眼大將瘡頭撥
開每用壹餅次用神聖膏後用托裏散若瘡氣入
腹危者服破棺丹世傳疔瘡必有壹條紅線可針
紅線所至之處出毒血然後傳藥

滴滴金 治疔瘡

礪砂

輕粉

人言

雄黃

硃砂各壹錢

麝香少許

右為細末每用些少先以針刺開瘡頭貼藥黃水
出効

疔瘡錠子

礶砂 壹錢

白芷

雄黃

蒼耳子

甘草 各半

右為細末用蟾酥汁和作錠子如前法用須五月五日合

回瘡錠子

治疔瘡大効

草烏頭 壹兩

蟾酥 米粒

巴豆 米箇 去皮

麝香 壹字

右為細末麪糊和就捻作錠子如有惡瘡透了不痛無血者用針深刺至痛處有血出以此錠子

之上用膏藥貼之疔瘡四畔紙之其疔三二百自然拔出此藥最宜緊用此證太抵與傷寒類其

神聖膏藥 羅氏治一切惡瘡

當歸

葶本 各半

沒藥

乳香 各貳錢

白芨

琥珀 各貳錢 半

黃丹

黃蠟 各貳兩

白膠香 參兩

巴豆 拾伍粒 去油

木鼈子 伍拾箇 去皮

粉霜

膽礬 各壹錢

清油

槐柳枝 各壹百 貳拾枝

右件壹處先將槐柳枝下在油內熬焦取出復下
餘藥熬勿至焦濾出却將油澄清下黃丹再熬成
膏用緋帛攤之立有神效
保命集治疔瘡奪命散

烏頭尖

附子底

蠹稍

雌黃

雄黃

蜈蚣

礞砂

粉霜

輕粉

砒貳錢

腦子

麝香

右為細末先破瘡出惡血以草杖頭用紙帶藥末
插入於內以深為度

郭氏寸金錠子

治疔毒惡瘡

硃砂

黃丹

明礬

砒霜

輕粉

花鹼

白芨

蟾酥

腦子

麝香

右研極細末稠糊和為錠子用之

郭氏提丁錠子又名透肉錠子治疔瘡危篤發昏無治療

瘰

雄黃

硃砂

青鹽

砒霜

白丁香

蟹螯

生

各壹

各貳

去翅足

輕粉 各壹錢 伍分

蟾酥

麝香 各壹錢

黃蠟

單麻子 叁分

右為細末於銀器內或磁器先將蠟溶開和前藥丸如桐子大捻作餅子用針刺破疥瘡放壹餅子於瘡頭上又刺四邊五七下惡血出為妙却用軟膏藥貼之立驗內服首功玄黑散或蟾酥丸

郭氏守効散

點疥瘡惡肉

砒霜 生

白丁香

松香

輕粉

川烏

生礬 各貳錢

蜈蚣 壹條 焙乾

右為極細末鉍針刺破瘡口令血出唾津調藥貼之瘡上其根自潰

麝香蟾酥丸

治一切癰疽發背疔瘡內毒如未破

用針刺破搥藥在內膏藥貼之其瘡即潰

蟾酥

輕粉

乳香 各伍分

人言

雄黃 各壹錢

巴豆 拾箇去皮油

麝香 少許

寒水石 叁錢

右為細末滴水為丸作錠子如小麥粒大量瘡大小用之寒食麪糊為丸

追毒丹

取黃去疔頭追膿毒立効

蟾酥乾用酒化

輕粉各壹錢

蜈蚣酒浸炙乾黃

硃砂

雄黃

巴豆米粒去殼不去油

白丁香無此味加巴豆

硃砂為衣各貳錢

右總為細末麪調水為丸如丸不就用酒打麪糊為丸如麥大兩頭尖入於針破口內用水沉膏貼之後用膏藥及生肌藥追出膿血毒物又如黑陷漏瘡者四圍灸敗肉不去不生肌者不可治也亦用此藥追毒去灸肌敗肉生新肉愈矣小者用壹粒大者加用之病輕者不必用針只以手指甲爬動於瘡頂上安此藥水沉膏貼之其瘡即時紅腫為度去其敗肉為妙

水沉膏

將白芨末放在盞內用水沉下去用紙貼之如用膏不可用生肌藥凡用拈點之藥用此膏圍貼則不傷好肉

海馬拔毒散

治疔瘡大效兼治惡瘡發背

海馬貳箇炙

水銀各壹錢

雄黃叁分

穿山甲黃土炒去土

麝香

硃砂

片腦各少許

右末針破瘡口點藥入內一日一點大有效

芫花根膏

治魚臍疔瘡久治不瘥者

芫花根

壹兩

黑豆

叁合

豬牙皂角

伍挺

白礬

叁兩煨研細

右用醋壹斗將前參味先浸參百於釜中以火煎至貳升去粗却入釜中煎至壹升入白礬末攪令勻去火成膏但是魚臍丹惡瘡攤於帛上貼日二易之

治魚臍疔瘡

韭菜

連鬚葱

絲瓜葉

右入石鉢內搗爛如泥以酒和服以滓貼腋下如

病在左手貼左腋下右手貼右腋下在左脚貼左膝右脚貼右膝如在中貼心臍並用布帛縛住候肉下紅絲處皆白則可如有潮熱亦用此法却用入抱住恐其顛倒則難救

四聖旋疔散

治疔瘡生於四肢其勢微者先以好

醋調藥塗上以紙封之次服內托裏之藥其疔自旋出根

巴豆仁

伍分

白殭蠶

輕粉

硃砂

各貳錢半

右為細末醋調用之

拔毒散 治疔瘡

蜈蚣 壹條

鹽白霜

粉霜

膽礬

礶砂 各壹錢

右為末和勻先用羊骨針挑破頭點藥在上醋糊紙貼上其根一時自出

保生餅子 治諸疔等瘡

金脚信 貳錢

雄黃

礶砂 各叁錢

輕粉

麝香 各壹錢

巴豆 肆拾玖泡 熟去殼研

右為末和勻用黃蠟壹兩餅和藥成錠水浸少時取出用時始捻作餅如錢眼大以羊角骨針挑瘡

頭按藥在上以醋糊紙貼之膏藥亦可黃水出為

濟生金砂散 取疔瘡

道人頭 微炒存性壹兩即蒼耳子

礶砂 叁錢

雄黃 叁錢

蟾酥 以多為妙

右將瘡四圍刺破以少油調藥末置於瘡內緋帛封之數日疔自出如瘡入腹嘔逆者將蒼耳搗汁飲之 方但用礶砂雄黃等分研細用蜜調先破瘡頭去血入藥豆大在瘡口內紙花貼之亦効

丹日本三藏傳疔瘡方江子肉拾粒半夏壹大顆研

未附子半枚 蜈蚣壹枚 各為末 四味臭麝香也 相和
看瘡大小 以紙繩子圍瘡口 以藥泥上 入用絹帛
貼傳時 換新藥 以可為度 此方活人甚多
鐵罐膏 治一切惡瘡 內毒 此藥止痛 追火肉

桑柴灰

蕎麥稽灰

石灰各壹碗

炭灰少許

右用瓦罐壹箇 底傍鑽穴壹箇 塞住 將前項灰填
在內 用永注滿 厚紙封固 壹伏時 用蘆筒插在罐
孔內 淋之 盡其水 不用灰 罐將淋灰水於鍋內 慢
火熬用鐵片續攪 休教溲定 鍋稀稠 滴在水內

不散為度 用鐵罐子盛之 封了口 或有諸般瘡及
腸風痔漏 量瘡用之 妙

濟

蟾酥丹 治疔瘡 取蟾酥以白麩黃丹搜作劑 丸如

麥粒狀 針破患處 以壹粒納之 取蟾酥法 用癩

出酥於油紙或桑葉上用竹篾刮
下然後搗在背陰處自乾用之

又方用鍼刀 銚破疔頭 以蟾酥傳之後用

野菊花

莎草根

甜菜葉

搗細以無灰酒 盡量調服之 酒醒疔化 冰即痛定
如熱除 不必去疔 亦自愈也

鐵粉散 專治冷疔瘡 經久不効

多年生鐵參錢炒過松脂壹錢 黃丹

輕粉各伍分 麝香少許

右為細末用清油調搽瘡口立効

又方 治疔瘡

山茨菰 鍋鏽 生薑

江茶 鹽少許

用銀針撥開疔瘡即以前藥搭作餅子如太棋子放疔頭上甚者半月皮皺可醫不皺難治矣

雄黃散 治疔瘡

雄黃 硃砂 蒼耳草燒灰

右為末醋調數次將菊花搗爛薑汁調清者服之濃者傳之

追毒丸 治疔瘡發背

蝦蟇糞貳分 蘇蟲 雄黃

黃丹各壹分

右為末水丸如米大將瘡撥開頭入藥在內以膏藥貼之

三因蒼耳散 治一切疔腫神効用蒼耳草根莖苗子但取一色便可用燒灰存性研細用好米醋米泔澄定和如泥隨瘡大小塗上厚貳分乾即易之

不過十度卽拔根出須針破塗之更加雄黃尤效

治一切疔腫懸癰
右用蒼耳根莖苗但取壹束燒為灰醋汁藍靛和如泥先以針刺瘡上及四邊數下令血出度藥氣可以入針孔中卽去血傳藥乾卽易之不過數度卽拔根出其未結膿者卽內消也已結膿破潰者再不用針刺只以藥塗之余以忽口角上生疔腫造甘子振家母為貼藥經十日不瘥予以此藥塗之得愈常作此藥以救入無有不瘥者故特以傳後嗣疔腫方殆有千首皆不及此雖齊州榮姥方

亦不能勝此物造次易得也

治一切疔腫

右用蒼耳草又名羊負來草只用根紅嫩者搗爛無灰白酒調勻服次用鹽梅肉研爛以豬膽汁和塗瘡頂上其毒卽散又先用好京墨以薑汁研爛用薑片蘸墨塗四圍腫熱處卽效一方用蒼耳根葉童便絞取汁令服壹升日三或燒灰和臘月豬脂傳一方用苗葉搗汁飲之一方用子或葉或根研爛以米醋脚調塗腫處立散仍研汁服以瘥為度

治疔瘡

右於九月九日採芙蓉花葉陰乾研細用時以井花水調銀釵打成膏厚紙攤貼瘡上次日用蜻蜓螺卽鬼丁螺壹箇用銀器盛打破依前調藥却將蜻蜓螺放在瘡上貼待週週日揭起其疔自出立効其藥不要攤闊

治疔瘡

右用多年牆內或泥上中銹釘洗淨以炭火內煨紅醋淬待冷用刀刮釘銹又入火內煨紅入醋淬仍前刮末再煨再淬再刮下末研為細末用時將

拔疔法

瘡口撥開挑藥末在內以膏藥貼之少時如病深取疔如病淺卽取出黑紫色血其瘡自愈

以黑牯牛牽於石塔上必撒糞候糞上生菌取焙乾與菴蕪艸葉等分為細末先用竹筒兩頭去節一頭解十字路將不解頭套在疔上以線緊縛竹筒陷入肉內為度以前藥末壹匙滴水和之放於筒內少時藥滾起則疔自拔起若壹次未効漸加度數其疔必拔也

拔疔方

治疔瘡不出者用此藥以拔出之

巴豆牛粒 去殼 磁石

右為末用葱涎同蜜為膏以傅瘡上疔瘡自出
神授療疔腫方

以緊磁石為末用酸醋調封於患處少時力拔出
疔神妙

世治疔瘡用麻內蛭蟲壹條研傅瘡上却用膏藥貼
之一飯時去膏藥其疔自出

麻蟲膏 治疔瘡

右將麻蟲壹條搗爛入好江茶和作餅子如錢眼
大以半角骨針挑瘡頭按藥在上醋糊紙貼之膏

藥亦可其毒出為効

蜣螂膏 治疔毒

蜣螂參箇肚 白者佳 黃棘蟲拾箇

右二味搗勻撥破患處貼之如患在手足間有紅
絲上臂絲盡處將針挑斷出血仍用前藥

愚按此方常用有効如無棘蟲亦効毒盛者更服
敗毒藥蜣螂即屎蚋也

聖濟方 治疔瘡

蜣螂心腹下肉 稍白者

右捕取不以多少貼瘡上半日許未可再上之血

盡根出神效

治疔瘡最有功效用蟬蛻殭蠶為末酸醋調塗四圍
留瘡口俟根出稍長然後拔去再用藥塗瘡海藏
方單用殭蠶為末津調塗亦佳

又方 治疔瘡

蟬蛻為末傅頭上四邊針刺碎紅腫上用鐵銹水
紫花地丁草末圍四邊腫上即紫花鹿躑草紅腫
外好肉上用生薑自然汁調船灰末傅好肉上

又方 治疔腫

先以針撥破四畔中間用海螵蛸末水丸豆大傅

於瘡頭上再用箭頭草末傅四畔紅肉上外又用
舊船灰燒末為生薑自然汁調傅後再用濕絲綿
貼中間用手揭去疔蓋再將蟬蛸末水調傅之

又方 治疔瘡

大黃壹大塊及東壁土汲新井水入於砂碗內磨
濃厚塗腫上中心留一竅如錢眼大出熱氣經宿
立愈如乾再用冰潤之

又方 治疔瘡

雄黃壹錢就瓦上煨焦黃為末以病人尿調傅疔
上一時拔出如發熱欲死者將大黃菊花研汁灌

上若冬間取根搗汁亦可

玉山韓光方 治疔腫

右以艾蒿壹擔燒作灰於竹筒中淋取汁以膏
合和石灰如麪漿以針刺瘡中至痛即點之點參
次其根自拔亦大神效正觀中用治參拾餘人得
瘥

衍苦苣擣汁傳疔瘡殊驗青苗陰乾以備冬月為末

水調傳本草云取苦苣莖中白汁傳疔

疔瘡用白蘂為末水調傳之聖惠方

聖治疔瘡甚者用附子末醋和塗之乾再塗千金方同

丹琥珀膏方見雜方條

水沉膏 治疔瘡

白果根新鮮生者佳

右以米醋磨濃澄脚以油紙攤貼及用酒磨服

敷疔膏 治疔瘡及無名腫毒瘡氣等證

生藍葉不拘多少洗淨

右以搗爛敷貼患處以稷煎酒服

又方

毛屎梯葉

右生採新鮮者搗米泔水暖刷及以根磨米泔水

麻藥或
大痛或
不痛者
並灸之
針法

暖服
又方 治一切惡瘡毒肉不出

用烏梅壹味燒灰為末傅上惡肉立盡矣

灸疔瘡法 取掌後橫紋後五指男左女右赤壯即
瘡屢効

初虞世云疔瘡於所屬經絡各瀉之 疔瘡者必發

於手足之間生黃疱其中或紫黑色有壹條如紅
線直上倉卒之際急宜以針於紅線所至處刺出
毒血然後以蟾酥乳香膏等藥於疔瘡上塗之針
時以病者知痛出血為好否則紅線入腹攻心必

致危困矣

百一治疔腫以針刺四畔用石榴皮末着瘡上調麪

圍四畔灸痛為度調末傅上急裏經宿連根自出

松針法 取向北松枝上葉極硬者頓齊作一束扎

令極緊緩緩以意消詳毒氣所經行虛軟處針之

須令出血時先用酒潤下針處必小痛令病人稍

忍仍用雄黃末入麝香少許以温酒調下一二服

與之服後方下松針針之

腹

治疔瘡毒氣入腹多嘔吐欲歿者即服內托香粉散
滴乳半兩另研真菘豆粉壹兩為細末煎生甘草

湯調參錢時時飲之常令灌潤胸膈方用雄黃等分爲末水調服

百二散又名護心散

治發疔瘡煩躁手足不住發狂者

急宜服之

甘草節

菘豆粉

硃砂各等分

右爲細末每服參錢熟水調下

疔瘡入腹嘔者煎道人頭濃汁飲之

治疔瘡毒氣入腹昏悶不食

紫花地丁

蟬蛻

貫仲各壹兩

丁香

乳香各貳錢

右爲細末每服貳錢空心温酒下紫花地丁麥熟質甚脆如蒲公英狀但蒲公英開黃花地丁開紫花

瑞治疔瘡危篤者二服即愈輕者一服立効

土蜂房

壹小窠全本草云土蜂房有毒利大小便

蛇蛻壹條全

右作一處罫血中盛用黃泥封固火煨存性研爲

細末每服壹錢空心好酒調服少頃腹中大痛痛

止其瘡已化黃水矣仍服五聖散

大黃

甘草各壹兩

生薑

阜角針

金銀花各貳兩

栝萸壹箇

右咬咀用好酒貳升同煎至捌分去渣不拘時服

疥癩
治疥瘡最驗用蒼耳臭牡丹各壹大握搗爛新汲水
或順流水調服壹碗瀉下黑水即愈

走黃拔黃藥

用蟾酥飛羅麩為丸如梧桐子大可將壹丸放在
面前舌下即時黃出

破棺丹 治疥黃走胤不止

當歸 赤芍藥 山梔子

牽牛各貳兩半 連翹 牡蠣

金銀花 紫花地丁各壹兩半 京三稜

甘草各貳兩 便秘加大黃各兩

右為細末煉蜜和丸如彈子大每服壹丸食前用
童便化開服忌飲酒及生冷硬物

立馬回疔丹 治疔瘡走胤不止

金脚信 蟾酥 血竭

硃砂 沒藥各半錢 輕粉

龍腦 麝香各壹字

右為細末用生草烏頭汁和作錠如麥子大用時
將瘡頂刺破將藥壹錠放瘡口內第二日瘡腫是

効

治疔走了黃打滾將死

牡蠣

大黃

山梔子

金銀花

木通

連翹

牛蒡子

地骨皮

乳香

沒藥

皂角刺

栝萸

右各等分剉碎每服半兩氣壯者加補硝用米壹

碗酒半碗煎壹服定愈

蟾酥走黃丸 治疔瘡走黃

硃砂

黃丹

白麴

右未取蟾酥搜作劑丸如麥粒大先刺瘡口次安

壹粒在瘡口內仍以水沉膏貼之又以五七九葱

湯吞下發汗即愈

瘡

迴瘡蟾酥錠子 治疔瘡毒氣攻心欲死以針刺其

瘡向心行處但覺痛有血處下錠子若累刺至心

側近皆不痛無血者急針百會穴痛有血者下錠

子若無血以親人熱血代之猶活三四况瘡初發

無有不効大抵疔瘡生於四肢及胸背頭項骨節

間唯背頭項最急初生痛痒不常中陷如釘蓋

撼之有根壯熱惡心是也

天南星

款冬花

巴豆仁

黃丹

白信

獨活

各壹錢

伍分

蟹螯去頭足拾箇

右為極細末用新蟾酥和藥如黍米大撚作錠子每遇疔瘡先以針刺其瘡必不知痛有血出者下錠子如覺痛不須再用若更不知痛再隨瘡所行處迎奪刺之至有血知痛即止其原瘡亦覺疼痛以膏藥貼之膿出自瘡用錠子法度以銀作細筒子壹箇約長三寸許隨針下至瘡痛處復以細銀絲子內藥於筒內推至痛處

肘後治疔腫垂效菊花葉壹握搗絞汁壹升入口即活此神驗亦用其根丹溪云根莖葉花皆可紫硬者佳

丙疔

疔腫困重生搗蒼耳根葉和小兒尿絞汁冷服壹升日三服甚驗

化毒丸 治丙疔

硃砂

雄黃各壹錢

蟬蛻拾枚

硼砂生

輕粉各伍分

麝香壹分

片腦半分

右末取蟾酥為丸如菽豆大每用壹丸放舌上含化取涎化後以井水漱淨無此丸用單蟾酥代之亦可

霹靂火

治丙疔之證發汗之妙方也凡疔瘡始覺

不曾服出汗之藥過數日間外證皆罷或在胸腹
或在脇肋赤嫩腫起此乃毒氣入裏內疔之所發
也宜用此法出汗毒氣方能出也
先置冰桶壹箇鐵銚壹箇令病人側卧於桶上四
圍以衣衾蓋護勿令泄氣却以鵝卵石火燒極紅
放銚內以銚安桶內以醋投於銚內淬之熏蒸出
汗未透再加火力再淬之須令腫處汗透不必徧
身出汗也

瘍醫準繩卷之二 終



